





春秋左傳杜注卷第二十八

華亭姚培謙學

定公

經八年春王正月公侵齊報前年伐我西部公至自侵齊無傳

○二月公侵齊未得志故三月公至自侵齊無傳○曹伯露

卒無傳四年盟臯鼫○自聲公立五年其弟通弒之代立是為隱公隱公立四年其弟露又弒之代立凡立四年卒子陽嗣○夏齊

國夏帥師伐我西部○公會晉師于瓦瓦衛地將來救魯公逆會之東

郡燕縣東北有瓦亭○今直隸大名府滑縣東南瓦岡集古瓦亭也公至自瓦無傳○秋七月戊辰

陳侯柳卒無傳四年盟臯鼫○晉士鞅帥師侵鄭遂侵衛兩事故曰



遂 ○葬曹靖公無傳 ○九月葬陳懷公無傳三月而葬速 ○季孫

斯仲孫何忌帥師侵衛 ○冬衛侯鄭伯盟于曲濮

無傳結叛晉曲濮衛地 ○蓋濮水曲折之處在今山東東昌府濮州境 ○從祀先公從順也先公閔公僖公也將正二公之位次所

順非一親盡 ○盜竊寶玉大弓盜謂陽虎也家臣賤名氏不見故曰盜寶玉夏后氏之璜大弓封父之繁弱

傳八年春王正月公侵齊門于陽州攻其門 士皆坐列

言無 曰顏高之弓六鈞顏高魯人三十斤為鈞六鈞百八十斤古稱重故以為異強 ○稱尺證反強其丈反 皆

取而傳觀之陽州人出顏高奪人弱弓籍邱子鉏

擊之與一人俱斃子鉏齊人斃仆也 ○前覆曰仆 偃且射子鉏中頰殪

子鉏死 ○射音石 顏息射人中眉顏息魯人 退曰我無勇吾志其目

也以自矜 師退冉猛偽傷足而先猛魯人欲先歸 其兄會乃呼曰

猛也殿會見師退而猛不在列乃大呼詐言猛在後為殿傳言魯無軍政 ○呼去聲

○二月己丑單子伐穀城劉子伐儀栗討僖嗣之黨穀城在河南縣西

○今穀城故城在河南河南府洛陽縣西北 辛卯單子伐簡城劉子伐孟○今河南懷慶府河內縣西北有

邠臺鎮古孟國也 以定王室傳終王室之亂

○趙鞅言於晉侯曰諸侯唯宋事晉好逆其使猶

懼不至今又執之是絕諸侯也將歸樂祁士鞅曰

三年止之無故而歸之宋必叛晉執樂祁在六年 獻子私謂

子梁獻子范鞅子梁樂祁 曰寡君懼不得事宋君是以止子子



姑使溷代子溷樂子梁以告陳寅陳寅曰宋將叛晉

是弃溷也不如待之留待勿以子自代樂祁歸卒于太行太行晉東

止諸州州晉地為明年宋公使樂大心如晉張本士鞅曰宋必叛不如止其尸以求成焉乃

○公侵齊攻廩邱之郭郭郭也主人焚衝衝戰車○齊人焚魯攻廩郭者之戰車

或濡馬褐以救之馬褐馬衣遂毀之毀郭主人出師奔攻郭人少故遣

後師走往助之陽虎偽不見冉猛者曰猛在此必敗陽州之役猛先歸言若在

此必復敗猛逐之顧而無繼偽顛逐廩邱人虎曰盡客氣也言皆客氣非勇

苦越生子將待事而名之苦越苦夷陽州之役獲焉名之

曰陽州欲自此僑如

○夏齊國夏高張伐我西部報上晉士鞅趙鞅荀寅

救我救不書齊師已去未入竟公會晉師于瓦范獻子執羔趙簡子

中行文子皆執鴈魯於是始尚羔獻子士鞅也簡子趙鞅也中行文子荀寅也禮

卿執羔大夫執鴈魯則同之今始知執羔之尊也卿不書禮不敵公史略之

○晉師將盟衛侯于鄆澤自及還就衛地盟趙簡子曰羣臣

誰敢盟衛君者前年衛叛晉屬齊簡子意欲推辱之涉佗成何曰我能盟之

二子晉大夫衛人請執牛耳盟禮尊者泄牛耳主次盟者衛侯與晉大夫盟自以當泄牛耳故請○請晉大夫使執之

成何曰衛吾温原也焉得視諸侯言衛小可比晉縣不得從諸侯禮將敵



涉佗援衛侯之手及挽援擠也血至挽○挽子對反挽烏喚反衛侯怒王孫

賈趨進賈衛大夫曰盟以信禮也信猶明也有如衛君其敢不唯

禮是事而受此盟也言晉無禮不欲受其盟衛侯欲叛晉而患諸

大夫王孫賈使次于郊大夫問故問不入故公以晉詬語

之詬恥也且曰寡人辱社稷其改卜嗣寡人從焉使改卜他公子

以嗣先君我從大夫所立大夫曰是衛之禍豈君之過也公曰又有

患焉謂寡人必以而子與大夫之子為質為質於晉大夫

曰苟有益也公子則往羣臣之子敢不皆負羈縲

以從將行王孫賈曰苟衛國有難工商未嘗不為

患○言苟衛國有侵伐之禍難亦未嘗不為工商之患使皆行而後可欲以激怒國人公以告大

夫乃皆將行之行有日有期日公朝國人使賈問焉曰

若衛叛晉晉五伐我病何如矣皆曰五伐我猶可

以能戰賈曰然則如叛之病而後質焉何遲之有

乃叛晉晉人請改盟弗許

○秋晉士鞅會成桓公侵鄭圍蟲牢報伊闕也桓公周鄉

士不書監帥不親侵也六年鄭伐周闕外晉為周報之遂侵衛討叛

○九月師侵衛晉故也魯為晉討衛

○季寤季桓子之弟公鉏極公彌曾孫桓子族子公山不狃費宰皆不得



志於季氏。叔孫輒無寵於叔孫氏。輒叔孫氏之庶子。叔仲志

不得志於魯。志叔孫帶之孫皆為國人所薄。故五人因陽虎。陽虎欲去

三桓。以季寤更季氏。代桓子。以叔孫輒更叔孫氏。代武子。己

更孟氏。陽虎自代懿子。冬十月。順祀先公而祈焉。將作大事欲以順祀取媚。辛

卯。禘于僖公。辛卯十月二日。不於大廟者。順祀之義。當退僖公。懼於僖神。故於僖廟行順祀。壬辰。將享

季氏于蒲圃而殺之。戒都車曰。癸巳至。都邑之兵車也。陽虎欲以壬辰

何故。孟孫曰。吾弗聞。處父曰。然則亂也。必及於子。

先備諸。與孟孫以壬辰為期。處父期以兵救孟氏。壬辰先癸巳一日。陽虎前

驅林楚御桓子。虞人以鉞盾夾之。陽越殿。越陽虎從弟。鉞。普皮反。

之良也。爾以是繼之。欲使林楚免己於難。以繼其先人之良。對曰。臣聞命後

子曰。何後之有。而能以我適孟氏乎。對曰。不敢愛

死。懼不免主。桓子曰。往也。言必往。孟氏選圉人之壯者

三百人。以為公期。築室於門外。實欲以備難。不欲使人知。故偽築室於門外。因得聚眾。公

林楚怒馬。及衢而騁。騁。馳也。陽越射之。不中。築者

闔門。季孫既得入。乃開門。射音石。有自門間射陽越。殺之。陽虎劫公

質食。將如蒲圃。桓子咋。謂林楚。咋。暫也。咋。詐反。曰。而先皆季氏

之良也。爾以是繼之。欲使林楚免己於難。以繼其先人之良。對曰。臣聞命後

子曰。何後之有。而能以我適孟氏乎。對曰。不敢愛

死。懼不免主。桓子曰。往也。言必往。孟氏選圉人之壯者

三百人。以為公期。築室於門外。實欲以備難。不欲使人知。故偽築室於門外。因得聚眾。公

林楚怒馬。及衢而騁。騁。馳也。陽越射之。不中。築者

闔門。季孫既得入。乃開門。射音石。有自門間射陽越。殺之。陽虎劫公

質食。將如蒲圃。桓子咋。謂林楚。咋。暫也。咋。詐反。曰。而先皆季氏

之良也。爾以是繼之。欲使林楚免己於難。以繼其先人之良。對曰。臣聞命後



與武叔武叔叔孫不敢之子州仇也以伐孟氏。公斂處父帥成人自

上東門入魯東城之北門與陽氏戰于南門之內。弗勝。又戰

于棘下地名陽氏敗。陽虎說甲如公宮。取寶玉大弓

以出。舍于五父之衢。寢而為食。其徒曰：「追其將至。」

虎曰：「魯人聞余出，喜於徵死，何暇追余？」徵名也。陽虎名季氏於蒲圃將

殺之。今得脫必喜，故言喜於召死。言魯人歡喜季孫免于召死之事也。從者曰：「嘻，速駕。」公斂陽在

聲以強公斂陽請追之。孟孫弗許。畏陽陽欲殺桓子。欲因亂討季氏

孟孫懼而歸之。不敢子言辨舍爵於季氏之廟而

出。子言季寤辨猶周徧也。徧告廟飲酒示無懼。辨音遍。舍如字。陽虎入于謹陽關以叛。叛

書略家臣

○謹音歡

○鄭駟歛嗣子大叔為政。歛駟乞子子然也。為明年殺鄧析張本。

經九年春，王正月。○夏四月，戊申，鄭伯蠆卒。無傳。四年盟臯鼫。

○得寶玉大弓。弓玉國之分器，得之足以為榮。失之足以為辱，故重而書之。○六月，葬鄭獻

公。無傳。三月而葬。速。○秋，齊侯、衛侯次于五氏。五氏，晉地，不書伐者，諱伐盟主以次告。今直隸廣

平府邯鄲縣西有五氏城，亦曰寒氏城。○秦伯卒。無傳。不書名。未同盟。○冬，葬秦哀公。無傳。

傳九年春，宋公使樂大心盟于晉，且逆樂祁之尸。

辭，偽有疾，乃使向巢如晉盟，且逆子梁之尸。巢，向戌曾孫。

向舒子明謂桐門右師出。子明，樂祁之子，濶也。右師，樂大心子明族父也。右師往到子明舍，子明遂使出門去。



曰吾猶衰經而子擊鐘何也忿其不逆父喪因責其無同族之恩右師曰喪

不在此故也既而告人曰已衰經而生子余何故

舍鐘已子明也子明聞之怒言於公曰右師將不利戴氏

不肯適晉將作亂也不然無疾乃逐桐門右

師逐之在明年終叔孫昭子之言

○鄭駟歛殺鄧析而用其竹刑鄧析鄭大夫欲改鄭所鑄舊制不受君命而私造刑法書

君子謂子然於是之於竹簡故言竹刑。孔疏鄧析不為私作刑書而殺蓋別有當死之罪駟歛不矜免之耳

不忠苟有可以加於國家者弃其邪可也加猶益也弃不責其邪惡

也靜女之三章取彤管焉詩邶風也言靜女三章之詩雖詭美女義在彤管彤管赤管筆女史記事

規誨之所執。○孔疏古者后夫人必有女史執赤管之筆。記妃妾善惡。彤管之法。所以規誨人君也。本錄靜女云者。特為彤管之言可取。故全篇取之。不弃上

下之。二章。竿旄何以告之。取其忠也。詩鄘風也。錄竿旄詩者。取其中心願告人以善道也。言此二詩

皆以一善見采。而鄧析不以一善存身。○孔疏竿旄之篇。衛之臣子多好善。賢者樂告以善道。其末句云。彼姝者子。何以告之。姝。順貌也。賢者見其好善。

美其共順。言己寡知。復何以告之。自恨無可告之。明其無所吝惜。故用其道。不弃其人。詩云。蔽

芾甘棠。勿剪勿伐。召伯所茇。詩召南也。召伯決訟於蔽芾小棠之下。詩人思之不伐其樹。芾

也。草舍思其人。猶愛其樹。况用其道。而不恤其人乎。子

然無以勸能矣。傳言子然嗣犬叔為政。鄭所以衰弱

○夏陽虎歸寶玉大弓。無益近用而祇為名。故歸之書曰得器用也。

凡獲器用曰得。器用者謂物之成器。可為人用者也得用焉曰獲。謂用器物以有獲。若麟為田獲



六月伐陽關陽關邑門陽虎使焚萊門陽關邑門師驚犯之

而出奔齊請師以伐魯曰三加必取之三加兵於魯齊侯

將許之鮑文子諫曰臣嘗為隸於施氏矣施氏魯大夫文子鮑國也

猶睦能事大國大國晉也而無天菑若之何取之陽虎欲

勤齊師也齊師罷大臣必多死亡已於是乎奮其

詐謀夫陽虎有寵於季氏而將殺季孫以不利魯

國而求容焉求自容罷音皮親富不親仁君焉用之君富

於季氏而大於魯國茲陽虎所欲傾覆也魯免其

疾而君又收之無乃害乎齊侯執陽虎將東之陽

虎願東陽虎欲西奔晉知齊必反已故詐以東為願覆芳服反乃囚諸西部盡借邑人

之車鏤其軸麻約而歸之鏤刻也欲絕追者鏤苦結反載葱靈寢於

其中而逃葱靈輜車名葱初江反孔疏說文云輜輶衣車也前後有蔽賈逵云葱靈衣車也有葱有靈然則此車前後有蔽兩

旁開葱可以觀望葱中豎木謂之靈今人猶名二木為靈子追而得之囚於齊又以葱靈

逃奔宋遂奔晉適趙氏仲尼曰趙氏其世有亂乎

受亂人故言其當世將有亂也

○秋齊侯伐晉夷儀為衛討也敝無存之父將室之辭以

與其弟無存齊人也室之為取婦曰此役也不死反必娶於高國高氏國氏

定公



齊貴族也無存欲必有功還取卿相之女先登求自門出死於雷下既入城夷儀人不服故鬪死於

門屋雷下也東郭書讓登登城非人所樂故讓犁彌從之曰子讓

而左我讓而右使登者絕而後下恐書先下故又譎以讓

城人絕皆上訖然後與書下書左彌先下書從彌言左行彌書與王猛息遂自先下亦讓也

共止擊猛○難去聲言昔者有登猛曰我先登書斂甲曰曩者之難今又難焉斂甲起欲

擊猛○難去聲言昔者有登城之難今又有王猛之難猛笑曰吾從子如驂之靳靳車中

不敢與書爭言已從書如驂馬之隨靳也傳言齊師和所以能克○靳居觀

反○孔疏車用四馬夾轅二馬謂之服兩首齊其外二馬謂之驂首差退說文

云靳當膺也則靳是當胸之皮也驂馬之首當服馬之胸胸上有靳故云我之從子如驂馬當服馬之靳也晉車千乘在中

車救夷儀也今滎陽有中牟縣迴遠疑非也○今河南衛侯將如五

氏齊侯在五氏將往助之卜過之龜焦衛至五氏道過中牟畏晉故卜衛侯

曰可也衛車當其半寡人當其半敵矣衛侯怒晉甚不復顧卜欲以身

當五百乘乃過中牟中牟人欲伐之衛褚師圍亡在中牟

曰衛雖小其君在焉未可勝也齊師克城而驕其

帥又賤城謂夷儀也帥謂東郭書○褚中呂反遇必敗之不如從齊乃伐齊

師敗之獲齊車五百乘齊侯致禱媚杏於衛三邑皆齊西界以答謝衛意○

若反齊諸齊侯賞犁彌犁彌辭曰有先登者臣從之誓憤

而衣狸製皙白也憤齒上下相值製裘也○憤音責衣去聲○皙面白也憤說文作齷公使視東郭書

曰乃夫子也吾貺子也貺賜也公賞東郭書辭曰彼賓旅

也

也

也

也



也言彼與我若賓主相讓旅俱進退乃賞犁彌齊師之在夷儀也齊侯謂

夷儀人曰得敝無存者以五家免給其五家令常不共役事乃得其

尸公三禭之禭衣也比殯三加禭深禮厚之與之犀軒與直蓋犀軒卿車直蓋高蓋○犀

軒軒車以犀皮為飾也蓋車蓋而先歸之坐引者以師哭之停喪車以盡哀也君方為位而

哭故挽喪者不敢立○坐跪也親推之三齊侯自推喪車輪三轉○推他回反

經十年春王三月及齊平平前八年再侵齊之怨○夏公會齊侯

于夾谷平故公至自夾谷無傳○晉趙鞅帥師圍衛○

齊人來歸鄆義而歸魯田○今龜山在龜陰田三邑皆汶陽田也泰山博縣北有龜山陰田在其北也會夾谷孔子相齊人服

○叔孫州仇仲孫何忌帥師圍郕山東泰安府新泰縣西南

郕叔孫氏邑○郕音后○秋叔孫州仇仲孫何忌帥師圍郕○宋

樂大心出奔曹傳在前年春書名罪其稱疾不適晉○宋公子地出奔陳貪弄馬以

距君命書名罪之也○冬齊侯衛侯鄭游速會于安甫無傳安甫地闕○

叔孫州仇如齊○宋公之弟辰暨仲佗石疆出奔

陳暨與也宋公寵向雖不聽辰請辰忿而將大臣出奔虛請自怨稱弟示首惡也仲佗石疆皆為國卿不能匡君靜難而為辰所牽帥出奔稱名亦罪之也○佗徒

河反疆苦侯反

傳十年春及齊平夏公會齊侯于祝其實夾谷夾谷即祝

其也○顧氏炎武曰在今萊蕪縣舊說齊靈公滅萊萊民播流此谷邑落荒蕪故曰萊蕪會于此地故得有萊人服註在東海祝其縣今淮安府之贛榆

遠非也孔丘相相會儀也犁彌言於齊侯曰孔丘知禮而無勇

定公



若使萊人以兵劫魯侯必得志焉萊人齊所滅萊夷也齊人從

之孔丘以公退曰士兵之以兵擊萊人兩君合好而裔夷

之俘以兵亂之裔遠也裔以制反非齊君所以命諸侯也裔

不謀復夷不亂華俘不干盟兵不偪好於神為不

祥盟將告神犯之為不善於德為愆義於人為失禮君必不然齊

侯聞之遽辟之辟去萊兵也辟婢亦反將盟齊人加於載書曰齊

師出竟而不以甲車三百乘從我者有如此盟如此盟誼

禍孔丘使茲無還揖對無還魯大夫還音旋曰而不反我汶陽

之田吾以共命者亦如之須齊歸汶陽田乃當共齊命於是孔子以公退賤者終其事要盟不潔故

畧不書齊侯將享公孔丘謂梁邱據曰齊魯之故吾子

何不聞焉故舊典事既成矣會事成而又享之是勤執事也

且犧象不出門嘉樂不野合犧象酒器犧尊象尊也嘉樂鐘磬也諸侯相見之禮享在廟燕

在寢饗而既具是弃禮也若其不具用秕稗也秕穀不成者稗

草之似穀者言享不具禮穢薄若秕稗。秕音鄙稗皮賣反用秕稗君辱弃禮名惡子盍

圖之夫享所以昭德也不昭不如其已也乃不果

享孔子知齊侯懷詐故以禮距之齊人來歸鄆謹龜陰之田陽虎九年以此奔齊經文倒者

次魯事

○晉趙鞅圍衛報夷儀也前年齊為衛伐晉夷儀故伐衛以為報初衛侯伐



邲鄆午於寒氏

邲鄆廣平縣也。午，晉邲鄆大夫寒氏即五氏也。前年衛人助齊伐五氏。邲鄆音寒丹。今直隸廣平府

邲鄆縣西南有邲鄆故城

城其西北而守之宵燿

午衆宵散。燿，子潛反。

及晉圍衛

午以徒七十人門於衛西門，殺人於門中，曰：「請報

寒氏之役。」

衛開門與午鬪

涉佗曰：「夫子則勇矣，然我往必不

敢啓門，亦以徒七十人旦門焉，步左右皆至而立。

如植。

至其門下，步行門左右，然後立待。如，立木不動，以示整。皆至，謂其徒。

日中不啓門，乃退反。

役，晉人討衛之叛，故曰：「由涉佗成何。」

援衛侯手故

於是執

涉佗以求成於衛，衛人不許，晉人遂殺涉佗。成何

奔燕，君子曰：「此之謂棄禮，必不鈞。」

言必見殺，不得與人等。

詩曰：人

而無禮，胡不遄死。涉佗亦遄矣哉。

詩，鄘風。遄，速也。

○初，叔孫成子欲立武叔，公若藐固諫曰：「不可。」

藐，叔孫氏。

成子立之而卒，公南使賊射之，不能殺。

公南，叔孫家臣，武叔之黨。

○射音石公南為馬正，使公若為郈宰，武叔既定，使郈馬

正侯犯殺公若，弗能，其圉人曰：

武叔之圉人

「吾以劍過朝，

公若必曰：「誰之劍也？」吾稱子以告，必觀之。吾偽固

而授之，未則可殺也。」

偽為固陋，不知禮者，以劍鋒未授之。

使如之。公若曰：「爾

欲吳王我乎？」

見劍向己，逆呵之，鱗諸殺吳王亦用劍刺之。

遂殺公若，侯犯以郈

叛，犯以不能副武叔之命，故

叛，叛而以圍告廟，故書圍。

武叔懿子圍郈，弗克。秋，二子及



齊師復圍郕弗克叔孫謂郕工師駟赤工師掌工匠之官曰

郕非唯叔孫氏之憂社稷之患也將若之何對曰

臣之業在揚水卒章之四言矣揚水詩唐風卒章四言曰我聞有命叔孫稽

首謝其受己命駟赤謂侯犯曰居齊魯之際而無事必不

可矣無所服事子盍求事於齊以臨民不然將叛侯犯從

之齊使至駟赤與郕人為之宣言於郕中詐為齊使言也曰

侯犯將以郕易于齊齊人將遷郕民謂易其民人眾克懼

齊與其死也猶是郕也而得紓焉何必此言以郕民易取齊人與郕

不欲遷○克凶勇反駟赤謂侯犯曰眾言異矣不與始同子不如易於

齊人欲以此偪魯必倍與子地言非徒得民又

且盍多舍甲於子之門以備不虞侯犯曰諾乃

多舍甲焉侯犯請易於齊齊有司觀郕將至駟赤

使周走呼曰齊師至矣郕人大駭介侯犯之門甲

以圍侯犯駟赤將射之偽為侯犯射郕人○呼去聲侯犯止之曰謀

免我侯犯請行許之郕人許之駟赤先如宿宿東平無鹽縣故宿國侯犯

殿每出一門郕人閉之閉其後門及郭門止之曰子以叔

孫氏之甲出有司若誅之誅責也羣臣懼死駟赤曰叔

孫氏之甲有物吾未敢以出物識也赤還救侯犯也○識申志反犯謂駟赤

無異勝於守郕為叛人所殺○紓音舒

將得齊地

多舍甲焉

使周走呼曰

以圍侯犯

免我侯犯

殿每出一門

孫氏之甲出

孫氏之甲有物



曰子止而與之數數甲以相付駟赤止而納魯人○納魯圍郕之

師侯犯奔齊齊人乃致郕致其名簿也為下武叔如齊傳

○宋公子地嬖遽富獵地宋景公弟辰之兄也十一分其室而以

其五與之與富獵也公子地有白馬四公嬖向魍魎欲之

向魍司馬桓魋也公取而朱其尾鬣以與之與魍也地怒使其徒

扶魍而奪之魍懼將走公閉門而泣之目盡腫母

弟辰曰子分室以與獵也而獨卑魍亦有頗焉子

為君禮禮辟君也○扶救乙反頗音多反不過出竟君必止子公子地出

奔陳公弗止辰為之請弗聽辰曰是我廷吾兄也

廷欺也○廷求往反吾以國人出君誰與處冬母弟辰暨仲佗

石彊出奔陳佗仲幾子彊楮師段子皆宋卿眾之所望故言國人

○武叔聘于齊謝致郕也經書辰奔在聘後者從告齊侯享之曰子叔孫若

使郕在君之他竟寡人何知焉屬與敝邑際故敢

助君憂之以致郕德叔孫○屬音燭對曰非寡君之望也所以事君

封疆社稷是以以為猶為也敢以家隸勤君之執事夫不令

之臣天下之所惡也君豈以為寡君賜言義在討惡非所以賜寡君

經十有一年春宋公之弟辰及仲佗石彊公子地

自陳入于蕭以叛蕭宋邑稱弟例在前年○前宋萬之亂以蕭邑封叔為附庸宣十二年楚子滅之復為宋邑故



辰等今入之以叛也 ○夏四月 ○秋宋樂大心自曹入于蕭入蕭從叛

人叛可知 ○冬及鄭平平六年侵鄭取匡之怨 叔還如鄭泣盟還叔詣曹孫

還音旋案世族譜叔還是叔弓曾孫此誤

傳十一年春宋公母弟辰暨仲佗石彊公子地入

于蕭以叛秋樂大心從之大為宋患寵向魋故也

惡宋公寵不義以致國患

○冬及鄭平始叛晉也魯自僖公以來世服於晉至今而叛故曰始

經十有二年春薛伯定卒無傳四年盟臯鼫 ○夏葬薛襄公無傳

○叔孫州仇帥師墮郟墮毀也患其險固故毀壞其城○墮許規反 ○衛公孟彊

帥師伐曹彊孟繫子 ○季孫斯仲孫何忌帥師墮費 ○秋大

雩無傳書過 ○冬十月癸亥公會齊侯盟于黃無傳結叛晉 ○十有

一月丙寅朔日有食之無傳 ○公至自黃無傳 ○十有二

月公圍成公至自圍成無傳國內而書至者成彊若列國與動大眾故出入皆告廟

傳十二年夏衛公孟彊伐曹克郊郊曹邑○當在山東兗州府曹縣界 還

滑羅殿羅衛大夫滑于八反 未出不退於列未出曹竟羅不其在行列之後 其御曰

殿而在列其為無勇乎羅曰與其素厲寧為無勇

素空也厲猛也言伐小國當如畏者以誘致之○孔疏羅以曹國小弱不敢來追衛師而在後為殿是空設嚴猛等與其空為嚴猛寧為無勇示弱誘之使曹人不憚以為後圖



○仲由為季氏宰仲由子路將墮三都三都費郈成也彊盛將為國害故仲由欲毀之於

是叔孫氏墮郈季氏將墮費公山不狃叔孫輒帥

費人以襲魯不狃費宰也輒不得志於叔孫氏公與三子入于季氏之宮

登武子之臺費人攻之弗克入及公側至臺下仲尼命

申句須樂頎下伐之二子魯大夫仲尼時為司寇句音劬頎音祈費人北國人

追之敗諸姑蔑二子奔齊二子不狃叔孫輒遂墮費將墮成

公斂處父謂孟孫墮成齊人必至于北門成在魯北竟故且

成孟氏之保障也無成是無孟氏也子偽不知佯不知

我將不墮冬十二月公圍成弗克

經十有三年春齊侯衛侯次于垂葭二君將使師伐晉次垂葭以為之援

○夏築蛇淵囿無傳書不時也○大蒐于比蒲無傳夏蒐非時比音毗○衛

公孟彊帥師伐曹無傳○秋晉趙鞅入于晉陽以叛

書叛惡可知○冬晉荀寅士吉射入于朝歌以叛吉射士鞅子朝歌後屬晉

○晉趙鞅歸于晉韓魏請而復之故曰歸言韓魏之彊猶列國○薛

弑其君比無傳稱君君無道比弑惠公夷立

傳十三年春齊侯衛侯次于垂葭實郟氏垂葭改名郟氏高平鉅野

○今屬山東兗州府濟寧州使師伐晉將濟河諸大夫皆曰

不可邴意茲曰可意茲齊大夫邴音丙銳師伐河內今河內汲郡漢置河內郡晉



分置汲郡治汲縣今為河南衛輝府治

傳必數日而後及絳

傳告晉。張戀反。

絳不三

月不能出河則我既濟水矣

濟河而歸

乃伐河內齊侯

皆斂諸大夫之軒唯邴意茲乘軒

以其言當

齊侯欲與衛

侯乘

共載。乘去聲下同。

與之宴而駕乘廣載甲馬使告曰晉

師至矣

齊侯使人如此告也。

齊侯曰比君之駕也寡人請攝

以已車攝

代衛車。廣去聲。比必利反。齊侯謂衛侯比及君之駕至以來君既未有兵車寡人請以已車攝代衛車與君同乘。

乃介而與之

乘驅之或告曰無晉師乃止

傳言齊侯輕所以不能成功

○晉趙鞅謂邴鄆午曰歸我衛貢五百家吾舍諸

晉陽午許諾

十年趙鞅圍衛衛人懼貢五百家鞅置之邴鄆今欲徙著晉陽晉陽趙鞅邑

歸告其父

兄父兄皆曰不可衛是以為邴鄆

言衛以五百家在邴鄆常為是故與邴鄆親。

為去聲

而寘諸晉陽絕衛之道也不如侵齊而謀之

侵齊則齊

當來報欲因懼齊而徙則衛與邴鄆好不絕

乃如之而歸之于晉陽

欲如是謀而後歸衛貢

孟怒召午而囚諸晉陽

趙鞅不察其謀謂午不用命故囚之

使其從者說

劍而入涉賓不可

涉賓午家臣不肯說劍入欲謀叛

乃使告邴鄆人曰

吾私有討于午也二三子唯所欲立

午趙鞅同族別封邴鄆故使邴鄆人更立

午宗親

遂殺午趙稷涉賓以邴鄆叛

稷趙午子

夏六月上軍司

馬籍秦圍邴鄆邴鄆午荀寅之甥也荀寅范吉射

之姻也

婿父曰姻荀寅子娶吉射女

而相與睦故不與圍邴鄆將作



亂作亂攻董安于聞之安于趙氏臣告趙孟曰先備諸趙孟

曰晉國有命始禍者死為後可也○待其先發而後應之安于曰

與其害於民寧我獨死懼見攻必傷害民○當始禍之名而受罪請以我說趙

孟不可晉國若討可殺我以自解說秋七月范氏中行氏伐趙氏之

宮趙鞅奔晉陽晉人圍之范臯夷無寵於范吉射

而欲為亂於范氏臯夷范氏側室子梁嬰父嬖於知文子文子荀躒

文子欲以為卿韓簡子與中行文子相惡簡子韓起孫不信也

中行文子荀寅也魏襄子亦與范昭子相惡襄子魏舒孫曼多也昭子士吉射故

五子謀五子范臯夷梁嬰父知文子韓簡子魏襄子將逐荀寅而以梁嬰父代

之逐范吉射而以范臯夷代之荀躒言於晉侯曰

君命大臣始禍者死載書在河為盟書沈之河今三臣始禍

而獨逐鞅刑已不鈞矣請皆逐之冬十一月荀躒

韓不信魏曼多奉公以伐范氏中行氏弗克二子

將伐公齊高彊曰三折肱知為良醫高彊齊子尾之子昭十年奔魯遂適晉

唯伐君為不可民弗與也我以伐君在此矣三家

未睦三家知韓魏可盡克也克之君將誰與若先伐君是

使睦也弗聽遂伐公國人助公二子敗從而伐之

丁未荀寅士吉射奔朝歌韓魏以趙氏為請經所以書趙鞅



歸十二月辛未趙鞅入于絳盟于公宮傳錄晉衰亂以見三家分晉之始

○初衛公叔文子朝而請享靈公欲令公臨其家退見史鮪

而告之史鮪史魚鮪音秋史鮪曰子必禍矣子富而君貪罪

其及子乎文子曰然吾不先告子是吾罪也君既

許我矣其若之何史鮪曰無害子臣可以免言能執臣禮

富而能臣必免於難上下同之言尊卑皆然戍也驕其亡

乎戍文子之子富而不驕者鮮吾唯子之見驕而不亡者

未之有也戍必與焉與禍難及文子卒衛侯始惡於公

叔戍以其富也公叔戍又將去夫人之黨靈公夫人南子黨宋朝之

徒夫人愬之曰戍將為亂為明年戍來奔傳

經十有四年春衛公叔戍來奔衛趙陽出奔宋陽趙厲孫

書名者親富不親仁○二月辛巳楚公子結陳公孫佗人帥師

滅頓以頓子牂歸佗徒何反○夏衛北宮結來奔亦黨公叔戍皆

惡之○五月於越敗吳于檇李於越越國也使罪人詐吳亂陳故從未陳之例書敗也檇李吳

郡嘉興縣南醉李城○檇音醉○檇李城在浙江嘉興府嘉興縣南四十五里吳子光卒未同盟而赴以名○公

會齊侯衛侯于牽魏郡黎陽縣東北有牽城○在今直隸大名府濬縣北公至自會無傳

○秋齊侯宋公會于洮洮曹地○洮徒刀反○天王使石尚來

歸賑無傳石尚天子之士石氏尚名賑祭社之肉盛以賑器以賜同姓諸侯親兄弟之國與之共福○賑市軫反○衛世子



崩。曠出奔宋。衛公孟彊出奔鄭。彊書名與崩曠黨罪之 ○宋公之

弟辰自蕭來奔。無傳稱宋公之弟例在十年 ○大蒐于比蒲。○邾子

來會公。無傳會公于比蒲來而不用朝禮故曰會 ○城莒父及霄。無傳公叛晉助范氏故懼而城二邑也此

年無冬史闕文

傳十四年春。衛侯逐公叔戌。與其黨。故趙陽奔宋。

戌來奔。終史魚之言

○梁嬰父惡董安于。謂知文子曰。不殺安于。使終

為政於趙氏。趙氏必得晉國。盍以其先發難也。討

於趙氏。文子使告於趙孟曰。范中行氏。雖信為亂。

安于則發之。是安于與謀亂也。晉國有命。始禍者

死。二子既伏其罪矣。敢以告。告使討安于與去聲 趙孟患之。安

于曰。我死而晉國寧。趙氏定。將焉用生。人誰不死。

吾死莫矣。乃縊而死。趙孟尸諸市。而告於知氏曰。

主命戮罪人。安于既伏其罪矣。敢以告。知伯從趙

孟盟。知伯荀躒 而後趙氏定。祀安于於廟。趙氏廟

○頓子牂欲事晉。背楚而絕陳好。二月。楚滅頓。傳言小不

事大所以亡

○夏。衛北宮結來奔。公叔戌之故也。



○吳伐越報五年越子勾踐禦之陳于樵李勾踐越王允常子

勾踐患吳之整也使死士再禽焉不動使敢死之士往輒為吳所禽欲

使吳師亂取之而吳不動使罪人三行屬劍於頸以劍注頸○行音杭下同屬之欲反下同而辭

曰二君有治治軍旅臣奸旗鼓犯軍令○奸音干不敏於君之行

前不敢逃刑敢歸死遂自剄也師屬之目越子因

而伐之大敗之靈姑浮以戈擊闔廬姑浮越大夫闔廬傷

將指取其一履其足大指見斬遂失履姑浮取之○將子匹反還卒於陘去樵李

七里釋經所以不書滅夫差使人立於庭夫差闔廬嗣子苟出入必謂

已曰夫差而忘越王之殺而父乎則對曰唯不敢

忘三年乃報越後三年哀元年

○晉人圍朝歌公會齊侯衛侯于脾上梁之間脾上梁間

即謀救范中行氏齊魯之故助范中行也析成鮒小王桃甲率狄

師以襲晉二子晉大夫范中行氏之黨戰于絳中不克而還士鮒奔

周小王桃甲入于朝歌秋齊侯宋公會于洮范氏

故也謀救范氏

○衛侯為夫人南子召宋朝南子宋女也朝宋公子舊通于南子在宋呼之○召在遠年服

以會于洮上屬為義非會于洮犬子崩贖獻孟于齊過宋野崩贖衛靈公犬

子孟邑名也就會獻之野人歌之曰既定爾婁豬盍歸吾



艾緞

婁豬求子豬以喻南子艾緞喻宋朝艾老也。緞音加牡豕也。

大子羞之謂戲陽速曰

從我而朝少君

速太子家臣。戲平聲。

少君見我我顧乃殺之速

曰諾乃朝夫人夫人見大子大子三顧速不進夫

人見其色啼而走

見大子色變知其欲殺已。

曰崩曠將殺余公執其

手以登臺大子奔宋盡逐其黨故公孟軻出奔鄭

自鄭奔齊大子告人曰戲陽速禍余戲陽速告人

曰大子則禍余大子無道使余殺其母余不許將

戕於余

戕殘殺也。

若殺夫人將以余說余是故許而弗為

以紓余死諺曰民保於信吾以信義也

使義可信不必信言。

○冬十二月晉人敗范中行氏之師於潞獲籍秦

高彊

二子黨范氏者終景王言籍父無後

又敗鄭師及范氏之師于百泉

鄭助范氏故并敗

經十有五年春王正月邾子來朝○鸛鼠食郊牛

牛死改卜牛

無傳不言所食處舉死重也。改卜禮也。鸛音兮。

○二月辛丑楚子滅

胡以胡子豹歸○夏五月辛亥郊○壬申公薨

于高寢

高寢官名不于路寢失其所

○鄭罕達帥師伐宋○齊侯衛

侯次于渠蒞

不果救故書次。蒞直居反。

○邾子來奔喪

無傳諸侯奔喪非禮。

○

秋七月壬申妣氏卒

定公夫人。

○八月庚辰朔日有食之



無傳 ○九月滕子來會葬無傳諸侯會葬非禮也 ○丁巳葬我君定

公雨不克葬戊午日下吳乃克葬 ○辛巳葬定妣

辛巳十月三日有日無月 ○冬城漆邾庶其邑

傳十五年春邾隱公來朝邾子益子貢觀焉邾子執玉

高其容仰公受玉卑其容俯玉朝者之贄子貢曰以禮觀

之二君者皆有死亡焉夫禮死生存亡之體也將

左右周旋進退俯仰於是乎取之朝祀喪戎於是

乎觀之今正月相朝而皆不度不合法度心已亡矣嘉事

不體何以能久嘉事朝禮不體謂不得其體之正高仰驕也卑俯替也

驕近亂替近疾君為主其先亡乎為此年公薨哀七年以邾子益歸傳

○吳之入楚也在四年胡子盡俘楚邑之近胡者俘取也楚

既定胡子豹又不事楚曰存亡有命事楚何為多

取費焉二月楚滅胡傳言小不事大所以亡

○夏五月壬申公薨仲尼曰賜不幸言而中是使

賜多言者也以微知著知之難者子貢言語之士今言而中仲尼懼其易言故抑之

○鄭罕達敗宋師于老邱罕達子蕞之子老邱宋地宋公子地奔鄭鄭人為之伐宋欲取地以處之

事見哀十二年○蕞才何反○老邱城在今河南開封府陳留縣北四十五里齊侯衛侯次于蘧棼謀

救宋也○棼女居反



○秋七月壬申。妣氏卒。不稱夫人。不赴。且不祔也。  
赴同。祔姑。夫人之禮。二者皆闕。故不曰夫人。

○葬定公。雨。不克襄事。禮也。  
襄成也。雨而成事。若汲汲於欲葬。

○葬定姒。不稱小君。不成喪也。  
公未葬而夫人薨。煩於喪禮。不赴不祔。故不稱小君。臣子

怠慢也。反哭于寢。故書葬。

○冬。城漆。書不時告也。  
實以秋。城冬乃告。廟魯知其不時。故緩告。從而書之。以示譏。

### 春秋左傳杜注卷第二十八

### 春秋左傳杜注卷第二十九

華亭姚培謙學

哀公  
名蔣。定公之子。蓋夫人定姒所生。謚法恭仁短折曰哀。

經元年春。王正月。公即位。無傳。○楚子。陳侯。隨侯。許

男。圍蔡。隨世服於楚。不通中國。吳之入楚。昭王奔隨。隨人免之。卒復楚國。楚人德之。使列於諸侯。故得見經。定六年。鄭滅許。此復見者。

○饑。鼠食郊牛。改卜牛。○夏四月辛巳。郊。無傳。書封之。

○秋。齊侯。衛侯。伐晉。○冬。仲孫何忌帥師

伐邾。無傳。

傳元年春。楚子圍蔡。報柏舉也。在定四年。里而裁。裁設板築。為圍壘。周



匝去蔡城一里。○裁才代反。○築壘圍之。欲置兵于內以攻蔡，使外人不得救也。廣丈高倍。壘厚一丈，高二丈。夫屯

晝夜九日。夫猶兵也，壘未成，故令人在壘裏屯守。蔡如子西之素。子西本計為壘，當用九日而成。蔡

人男女以辨。辨別也，男女各別，係壘而出降。使疆於江汝之間，而還。楚欲使蔡

徙國在江水之北，汝水之南，求田以自安也。蔡權聽命，故楚師還。蔡於是乎請遷于吳。楚既還，蔡人更叛楚。

就吳為明年蔡遷州來傳。

○吳王夫差敗越于夫椒，報檇李也。檇李在定十四年，夫椒吳郡吳縣西南。

遂入越，越子以甲楯五千，保于會稽。土會稽山也，在會稽山陰縣南。○會古外反。○在今浙江紹興府會稽縣東南十二里。使

大夫種因吳大宰嚭以行成，吳子將許之。伍員曰：

不可。臣聞之，樹德莫如滋，去疾莫如盡。昔有過澆，

殺斟灌，以伐斟鄩。澆，寒浞子，封于過者。二斟，夏同姓諸侯。襄四年傳曰：澆用師滅斟灌。○過平聲。澆五叫反。浞，仕捉反。

滅夏后相。夏后相，啓孫也。后相失國，依於二斟，復為澆所滅。后緡方娠，逃出自竇。后相妻，娠懷身也。○娠音身。○緡，亡巾反。

歸于有仍，生少康焉。為仍牧正，

其澆能戒之。其，甚毒也。澆使椒求之。臣逃奔有虞，為

之庖正，以除其害。虞，舜後諸侯也。梁國有虞縣。庖正，掌膳羞之官。賴此以得除己害。○今河南歸德府虞城縣南

諸綸。綸，虞邑。○今虞城縣東南三十五里有故綸城。有田一成，有衆一旅。方十里為成，五百人為旅。

能布其德而兆其謀，始以收復衆，撫其官職。襄四年傳曰：靡

哀公



自有高氏收二國之女艾少康臣謀使女艾謀澆澆也。女音汝使季杼誘豷

豷澆弟也季杼少康子后杼也。杼直呂反豷許器反遂滅過戈復禹之績過澆國祀夏

配天不失舊物物事也今吳不如過而越大於少康或

將豐之不亦難乎言與越成是使越豐大必為吳難句踐能親而務施

施不失人所加惠賜皆得其人。施去聲親不棄勞推親愛之誠則不遺小勞與我同壤

而世為仇讎於是乎克而弗取將又存之違天而

長寇讎猶言天與不取後雖悔之不可食已食消也。已止也。○不姬

之衰也日可俟也姬吳姓言可計日而待介在蠻夷而長寇讎以

是求伯必不行矣弗聽退而告人曰越十年生聚

而十年教訓生民聚財富而後教之二十年之外吳其為沼乎謂吳宮室

廢壞當為汙池為二十二年越入吳起本三月越及吳平吳入越不書吳不告

慶越不告敗也嫌夷狄不與華同故復發傳

○夏四月齊侯衛侯救邾鄆圍五鹿趙稷以邾鄆叛范中行氏之黨也五

鹿晉邑

○吳之入楚也在定四年使召陳懷公懷公朝國人而問

焉曰欲與楚者右欲與吳者左陳人從田無田從

黨都邑之人無田者隨黨而立不知所與故直從所居田在西者居右在東者居左逢滑當公而進當公不左不右

曰臣聞國之興也以福其亡也以禍今吳未有福



楚未有禍。楚未可弃。吳未可從而晉盟主也。若以晉辭吳。若何。公曰。國勝君亡。非禍而何。楚為吳所勝對曰。

國之有是多矣。何必不復。小國猶復。况大國乎。臣聞國之興也。視民如傷。是其福也。如傷恐驚動其亡也。以

民為土芥。是其禍也。芥草也楚雖無德。亦不艾殺其民。

吳日敝於兵。暴骨如莽。草之生於廣野。莽莽然。故曰草莽。艾魚廢反。暴步卜反。而未見

德焉。天其或者正訓楚也。使懼而改過禍之適吳。其何日

之有。言今至陳侯從之。及夫差克越。乃脩先君之怨。秋

八月。吳侵陳。脩舊怨也。傳言吳不脩德而脩怨所以亡

○齊侯衛侯會于乾侯。救范氏也。師及齊師。衛孔

圉。鮮虞人伐晉。取棘蒲。魯師不書。非公命也。孔圉。孔烝。鉏。曾孫。鮮虞。狄帥。賤。故不書。今直隸真定府

趙州城中。有棘蒲社。

○吳師在陳。楚大夫皆懼。曰。闔廬惟能用其民。以

敗我於柏舉。今聞其嗣。又甚焉。將若之何。子西曰。

二三子恤不相睦。無患吳矣。昔闔廬食不二味。謂與在

下同。其好惡。不別。二為美味也。居不重席。室不崇壇。平地作室。不起壇也。器不彤鏤。

彤丹也。鏤刻也。彤徒冬反。鏤魯豆反。宮室不觀。觀臺榭。觀去聲。舟車不飾。衣服財

用。擇不取費。選取堅厚。不尚細靡。在國。天有菑癘。癘疾疫也。親巡孤寡。



而共其乏困。在軍熟食者分，而後敢食。必須軍士皆分熟食，不敢先食。

分猶徧也。其所嘗者，卒乘與焉。所嘗甘珍非常食。勤恤其民，而與之

勞逸，是以民不罷勞，死知不曠。知身死不見曠弃。吾先大夫

子常易之，所以敗我也。易猶反也。今聞夫差次有臺榭陂

池焉。積土為高曰臺，有木曰榭。過再宿曰次。陂，彼宜反。宿有妃嬙嬪御焉。妃嬙，貴者嬪御，賤者皆內官。

嬙，在羊反。嬪，毗人反。一日之行，所欲必成，玩好必從，珍異是聚。

觀樂是務，視民如讎，而用之日新，夫先自敗也已。

安能敗我。為二十二年越滅吳起本。

○冬十月，晉趙鞅伐朝歌。討范中行氏。

經二年春，王二月，季孫斯、叔孫州仇、仲孫何忌帥

師伐邾，取濼、東田，及沂西田。邾人以賂取之，易也。濼音郭。癸巳，叔孫

州仇、仲孫何忌及邾子盟于句繹。句繹，邾地，取邑盟以要之。○句音勾。○句繹應

在今山東兗州府鄒縣境十四年，小邾以句繹來奔。此云邾地，蓋國竟相近，所屬無常，若莒魯爭鄆之等。○夏四月丙子，

衛侯元卒。定四年盟臯鼫。○滕子來朝。無傳。○晉趙鞅帥師納

衛世子蒯聩于戚。○秋八月甲戌，晉趙鞅帥師及

鄭罕達帥師戰于鐵，鄭師敗績。皆陳曰戰，大崩曰敗績。鐵在戚城南，罕達子皮孫。○

冬十月，葬衛靈公。無傳，七月而葬。○十有一月，蔡遷于州來。

畏楚而請遷，故以自遷為文。蔡殺其大夫公子馮。懷土而欺大國，故罪而書名。○許氏翰曰：蔡悔請遷及吳



師入而委罪於駟稱國以殺殺無罪也

傳二年春伐邾將伐絞

絞邾邑○當在兗州府滕縣境

邾人愛其土故

賂以漵沂之田而受盟

○初衛侯遊于郊子南僕

子南靈公子郚也僕御也

公曰余無子將

立女

崩贖奔無犬子

不對他日又謂之對曰郚不足以辱社

稷君其改圖君夫人在堂三揖在下

三揖卿大夫士○孔疏周禮司士云孤卿

特揖大夫以其等旅揖士旁三揖鄭玄云特揖一揖之旅衆也大夫爵同者衆揖之三揖者士有上中下鄭眾云卿大夫士皆君之所揖禮

命祗辱

言立適當以禮與外內同之今君私命事必不從適為辱

夏衛靈公卒夫人曰命

公子郚為犬子君命也對曰郚異於他子

言用意不同

且

君沒於吾手

○君薨時在左右

若有之郚必聞之

言當以臨歿為正

且

亡人之子輒在

輒崩贖之子出公也靈公適孫

乃立輒六月乙酉晉趙

鞅納衛犬子于戚宵迷陽虎曰右河而南必至焉

是時河北流過元城界戚在河外晉軍已渡河故欲出河右而南

使犬子繞

繞者始發喪之服○繞音問

八人

衰經偽自衛逆者

欲為衛人逆故衰經成服

告於門哭而入遂居之

○秋八月齊人輸范氏粟鄭子姚子般送之

子姚罕達子般

駟弘○般音班

士吉射逆之趙鞅禦之遇於戚陽虎曰吾車

少以兵車之旆與罕駟兵車先陳

旆先驅車也以先驅車蓋其兵車以示眾○陳去聲

罕駟自後隨而從之彼見吾貌必有懼心

晉人先陳鄭人隨之不知



其虛實見車多必懼。傅氏遜曰：設旆於軍前，盛為軍容。於是乎會之。

戰會合必大敗之。從之。卜戰龜焦。樂丁曰：詩曰：爰始

爰謀。爰契我龜。樂丁，晉大夫。詩大雅言先人事，後卜筮。契，灼也。謀協以故。兆詢可

也。詢，諮詢也。故，兆始納衛太子。卜得吉兆，言今既謀同，可不須更卜。言謀既合，但以故兆相諮詢可也。簡子誓曰：范

氏中行氏反，易天明。不事君也。天有尊卑，人有上下。下事上，臣事君。法則天之明道。臣不事君，是反易天之

也。明道也。斬艾百姓，欲擅晉國，而滅其君，寡君恃鄭而保

焉。今鄭為不道，弃君助臣，二三子順天明，從君命。

經德義。不除君惡，則德義廢矣。宜經紀德義，使不壞也。除詬恥，在此行也。克敵

者，上大夫受縣，下大夫受郡。周書作雒篇，千里百縣，縣有四郡。艾，魚廢反。士田

十萬。十萬，敵也。庶人工商遂。得遂，進仕。人臣隸圉免。去廝役。公羊何休注：艾草為防者曰廝。

若其有罪，絞縊以戮。絞，所以縊人物。桐棺三寸，不設屬辟。屬，辟也。

重數。王棺四重，君再重，大夫一重。屬音燭，次大棺也。辟，步歷反，親身棺也。○王棺四重，被水牛及兕之革為一重，辟為二重，屬為三重，大棺為四重。君再重，屬與辟為一重，大棺為再重，大夫惟屬與大棺為一重，今云不設辟者，時僭耳，非正禮也。素車樸馬，無入

于兆。兆，葬域。下卿之罰也。為眾設賞，自設罰，所以能克敵。甲戌將戰，郵無恤

御簡子，衛太子為右。郵無恤，王良也。登鐵上。鐵，邱名。今直隸大名府開州北有戚城，其南

為王合里。望見鄭師，眾太子懼，自投于車下。子良授

太子綏而乘之，曰：婦人也。言其怯。簡子巡列，曰：畢萬匹

匹。

匹。



夫也七戰皆獲有馬百乘死於牖下

畢萬晉獻公卿也皆獲有功死於牖

下言得壽終

羣子勉之死不在寇

言有命

繁羽御趙羅宋勇為

右

三子晉大夫羅無勇麋之

麋束縛也。麋邱隕反。趙羅無勇不能乘車束縛之使在於車

吏詰

之御對曰疢作而伏

疢瘧疾也。疢詩占反

衛太子禱曰曾孫蒯

賁敢昭告皇祖文王

周文王皇大也

烈祖康叔

烈顯也

文祖襄公

繼業守文故曰文祖蒯賁襄公之孫

鄭勝亂從

勝鄭聲公名釋君助臣為從於亂

晉午在難

名。難去聲

不能治亂使鞅討之

鞅簡子名

蒯賁不敢自佚備持

矛焉

戎右持矛

敢告無絕筋無折骨無面傷以集大事無

作三祖羞

集成也

大命不敢請

己之身命不敢私請苟以求生

佩玉不敢

愛

不敢愛故以祈禱。禱請用玉在軍無珪璧故以佩

鄭人擊簡子中肩斃于車中

斃踣也

獲其逢蠶旗

逢旗旗名

太子救之以戈鄭師北獲温大夫

趙羅

羅無勇故鄭師雖北猶獲羅

太子復伐之鄭師大敗獲齊粟千

車趙孟喜曰可矣

趙孟簡子也喜大子前怯今更勇

傅叟曰雖克鄭猶

有知在憂未艾也

傅叟簡子屬也言知氏將為難後竟有晉陽之患。叟音叟

初周人與

范氏田公孫龙稅焉

范氏臣為范氏收周人所與田之稅

趙氏得而獻之

得龙以獻簡子

吏請殺之趙孟曰為其主也何罪止而與之

田

還其所稅

及鐵之戰以徒五百人宵攻鄭師取蠶旗於

子姚之幕下獻曰請報主德追鄭師姚般公孫林



殿而射前列多死晉前列。姚般子。姚子般射音石。趙孟曰國無小言雖小國。

猶有善射者。既戰簡子曰吾伏弢嘔血弢弓衣嘔吐也。弢吐刀反。鼓音不

衰今日我上也功為上。大子曰吾救主於車退敵於下

我右之上也郵良曰我兩靽將絕吾能止之止使不絕。靽。

以皮為之。所以約馬。曾而引車軸者。我御之上也駕而乘材兩靽皆絕材橫木明。

細小也。傳言簡子不讓下自伐。乘載也。

○吳洩庸如蔡納聘而稍納師師畢入衆知之元年。蔡請。

遷于吳中悔。故因聘襲之。蔡侯告大夫殺公子駟以說殺駟以說吳言不時遷駟之為。哭

而遷墓將遷與先君辭故哭。冬蔡遷于州來

經三年春齊國復衛石曼姑帥師圍戚曼姑為子圍父知其不義故推

齊使為兵首戚不稱衛非叛人。○夏四月甲午地震無傳。○五月辛卯桓

宮僖宮災天火曰災。○季孫斯叔孫州仇帥師城啓陽魯黨。

范氏故懼晉比年四城啓陽今琅邪開陽縣。今山東兗州府沂州北十五里有開陽故城本鄆國後屬魯名啓陽也。○宋樂髡

帥師伐曹無傳。○秋七月丙子季孫斯卒○蔡人放

其大夫公孫獵于吳無傳。公子駟之黨。○冬十月癸卯秦伯

卒無傳。不書名未同盟。○叔孫州仇仲孫何忌帥師圍邾無傳。

傳三年春齊衛圍戚求援于中山中山。鮮虞。

○夏五月辛卯司鐸火司鐸。官名。火踰公宮桓僖災桓公僖公廟。



救火者皆曰顧府言常人愛財南宮敬叔至命周人出御

書俟於宮敬叔孔子弟子南宮閱周人司周書典籍之官御書進於君者也使待命於宮曰庀女而不

在死庀具也。庀匹婢反。言具汝所職而有不在其罪死子服景伯至命宰人出禮

書景伯子服何也宰人冢宰之屬以待命命不共有常刑待求之命校人乘馬

巾車脂轄校人掌馬巾車掌車乘馬使四相從為駕之易。乘去聲下同為于偽反百官官備府

庫慎守官人肅給國有火災恐有變難故慎為備濟濡帷幕鬱攸從之

內以悛悛次也先尊後卑以次救之。悛七全反助所不給有不用命則有常

刑無赦公父文伯至命校人駕乘車乘車公車季桓子至

御公立于象魏之外象魏門闕命救火者傷人則止財可

為也命藏象魏周禮正月縣教令之法于象魏使萬民觀之故謂其書為象魏曰舊章不可

亡也富父槐至曰無備而官辨者猶拾瀋也槐富父終生之

於是乎去表之橐後瀋汁也言不備而責辨不可得。瀋尺審反。表表火道風所向者去其橐積道還

公宮開除道周市公宮使火無相連。還又作環戶闕反孔子在陳聞火曰其桓僖乎

言桓僖親盡而廟不毀宜為天所災。季氏出桓公又為僖公所立故不毀其廟

○劉氏范氏世為婚姻劉氏周卿士范氏晉大夫長弘事劉文公為之屬大

夫故周與范氏趙鞅以為討責周與六月癸卯周人

殺萇弘終違天之禍。孔疏文公以定四年卒也為之屬大夫謂當昭公之世也此時文公已卒萇弘知政以己先事劉子劉氏又與



范氏親至握國權遂與范氏故周人殺之以說於晉

○秋季孫有疾命正常曰無死正常桓子之寵臣欲付以南

孺子之子男也則以告而立之南孺子季桓子之妻言若生男告公而立之女

也則肥也可肥康子也季孫卒康子即位既葬康子在朝

在公朝也南氏生男正常載以如朝告曰夫子有遺言命

其圍臣曰南氏生男則以告於君與大夫而立之

今生矣男也敢告遂奔衛康子請退退辟位也公使共劉

視之共劉魯大夫則或殺之矣乃討之討殺者召正常正常

不反畏康子也傳備言季氏家事

○冬十月晉趙鞅圍朝歌師于其南范中行所在荀寅伐

其郭伐其北郭圍使其徒自北門入已犯師而出荀寅使在外救己之徒擊

趙氏圍之北門因外內攻得出癸丑奔邯鄲十一月趙鞅殺士臯夷惡

范氏也惡范氏而殺其族言遷怒

經四年春王二月庚戌盜殺蔡侯申賤者故稱盜不言弑其君賤盜也

案宣十七年蔡侯申卒是文侯也今昭侯是其玄孫不容與高祖同名未審何者誤○殺公穀作弑蔡公孫辰出奔

吳弑君賊之黨故書名○葬秦惠公無傳○宋人執小邾子無傳邾子無道

於其民故稱人以執稱人以執非伯討也○夏蔡殺其大夫公孫姓公孫霍

皆弑君黨○晉人執戎蠻子赤歸于楚晉恥為楚執諸侯故稱人以告若蠻子不



道於其民也。赤本屬楚，故言歸。胡傳其曰：晉人云者，罪之也。文公執曹伯，則曰：昇宋人。今此曷云歸于楚？歸于楚者，猶曰：京師楚也。晉主夏盟，為日久矣，不競至此。○城西郭無傳魯西郭備晉也。○六月辛丑，亳社災。無傳天火

也。亳社，殷社，諸侯有之，所以戒亡國。亡國之社有屋，故災。○秋八月甲寅，滕子結卒。無傳同盟

於鼻。○冬十有二月，葬蔡昭公。無傳亂故是以緩。○葬滕頃公。無傳

無傳

傳四年春，蔡昭侯將如吳，諸大夫恐其又遷也，承

承音懲蓋楚言也。公孫翩逐而射之，入於家人而卒。翩蔡大夫入於凡

人之家而卒也。以兩矢門之，眾莫敢進。翩以矢自守其門。文之錯後至

錯蔡大夫錯音楷。曰：如牆而進，多而殺二人。併行如牆俱進。錯執弓而

先翩射之，中肘。錯遂殺之，故逐公孫辰而殺公孫

姓公孫盱。盱即霍也。盱况于反

○夏，楚人既克夷虎。夷虎蠻夷叛楚者。乃謀北方，左司馬販

申公壽餘、葉公諸梁，致蔡於負函。三子楚大夫也。此蔡之故地，人民楚因以為邑。

致之者會其眾也。販音版反。致方城之外於繒關。負函繒關皆楚地。繒才陵反。負函當在今河南汝寧

府信陽州。曰：吳將沂江入郢，將奔命焉。為一昔之期，襲

梁及霍。偽辭當備吳夜結期，明日便襲梁。霍使不知之。梁河南梁縣西南故城也。梁南有霍陽山，皆蠻子之邑也。一昔，一夜也。單

浮餘圍蠻氏，蠻氏潰。浮餘楚大夫。蠻音善。蠻子赤奔晉陰地。陰地河南

山北自上，雒以東至陸渾。司馬起豐析與狄戎。楚司馬販也。析縣屬南鄉郡。析南有豐鄉，皆楚邑。發此二邑人



及我狄。○今河南南陽府淅川縣及內鄉縣之西北境。皆析地也。淅川縣西南有豐鄉城。其地與鄖陽相接。以臨上雒。左

師軍于莧和。莧和山在上雒東也。○莧音徒。○今陝西西安府商州東有莧和山。通襄漢之道。右師軍

于倉野。倉野在上雒縣。○今商州東南有倉野。聚發二邑之兵與我狄之眾以臨上雒。而分軍為二。以脅晉人也。使謂陰

地之命大夫士蔑。命大夫別縣監尹。○孔疏陰地者河南山北東西橫長其間非一邑也。若是典邑大夫則當以

邑冠之乃言陰地之命大夫則是特命大夫使總監陰地故以為別縣監尹也。曰晉楚有盟好惡同之。

若將不廢寡君之願也。不然將通於少習以聽命。

少習商縣武關也將大開武關道以伐晉。○武關在今商州東少習山下。士蔑請諸趙孟。趙孟曰晉

國未寧安能惡於楚必速與之。未寧時有范中行之難。士蔑乃致

九州之戎。九州戎在晉陰地陸渾者。將裂田以與蠻子而城之。以詐蠻子。且

將為之卜。卜城。蠻子聽卜遂執之。與其五大夫以界

楚師于三戶。今丹水縣北三戶亭。○今淅川縣西南有三戶城。司馬致邑立宗焉。以

誘其遺民。楚復詐為蠻子作邑立其宗主。而盡俘以歸。

○秋七月齊陳乞弒施衛甯跪救范氏。陳乞僖子。弒施弦多。庚

午圍五鹿。五鹿晉邑。九月趙鞅圍邯鄲。冬十一月邯鄲降。

荀寅奔鮮虞。趙穆奔臨。臨晉邑。○今直隸真定府臨城縣東有臨城故城。十二月弦

施逆之。遂墮臨。○墮許規反穆初奔臨欲據臨距國今弦施逆穆欲納之他邑以臨險固故毀之。國夏

伐晉取邢任欒郟逆時陰人孟壺口。八邑晉地欒在趙國平棘縣西北郟即高

邑縣也。路縣東有壺口關。○任音壬。郟呼洛反。時音止。○今欒城縣及趙州北境皆古欒邑地。柏鄉縣北故城鎮即故郟城地。晉高邑也。俱屬真定府。鄆



道元以逆時為曲逆今曲逆故城在直隸保定府完縣東南二十里會鮮

壺口關在今山西潞安府黎城縣東北太行山口俗名吾兒峪是也

虞納荀寅于柏人晉邑也今趙國柏人縣也○夏齊侯伐宋無傳○晉趙

經五年春城毗無傳備晉也○秋九月癸酉齊侯杵臼卒再同盟也○冬

叔還如齊音旋○閏月葬齊景公無傳

傳五年春晉圍柏人荀寅士吉射奔齊初范氏之

臣王生惡張柳朔言諸昭子使為柏人昭子范吉射昭

子曰夫非而讎乎對曰私讎不及公公家之事也好不廢

過惡不去善義之經也臣敢違之及范氏出出柏人奔齊

好惡並去聲去上聲張柳朔謂其子爾從主勉之我將止死王

生授我矣授我死節吾不可以僭之遂死於柏人為吉射距

○夏趙鞅伐衛范氏之故也遂圍中牟衛助范氏故也

○齊燕姬生子不成而死燕姬景公夫人不成未冠也諸子鬻姒之

子荼嬖諸子庶公子也鬻姒景公妾荼安孺子鬻音育諸大夫恐其為犬子也言

於公曰君之齒長矣未有犬子若之何公曰二三

子閒於憂虞則有疾疢亦姑謀樂何憂於無君景公意欲

立荼而未發故以此言塞大夫請○閏音閑公疾使國惠子高昭子立荼惠子國

張寘羣公子於萊萊齊東鄙邑今山東登州府黃縣東南有萊子城是也秋齊景公卒



冬十月公子嘉公子駒公子黔奔衛公子鉏公子

陽生來奔皆景公子在萊者萊人歌之曰景公死乎不與埋

三軍之事乎不與謀師乎師乎何黨之乎師衆也黨所也之往也稱

謚蓋葬後而為此歌哀羣公子失所與去聲

○鄭駟秦富而侈嬖大夫也而常陳卿之車服於

其庭鄭人惡而殺之子思曰詩曰不解于位民之

攸暨子思子產子國參也詩大雅攸所也暨息也不守其位而能久者鮮矣商

頌曰不僭不濫不敢怠皇命以多福僭差也濫溢也皇暇也言駟秦違詩商頌

禍故受

經六年春城邾瑕無傳備晉也任城亢父縣北有邾婁城今在山東濟寧州南十里○晉趙鞅

帥師伐鮮虞○吳伐陳○夏齊國夏及高張來奔

二子阿君廢長立少既受命又不能全書名罪之也○叔還會吳于柎無傳○柎莊加反○秋七

月庚寅楚子軫卒未同盟而赴以名○齊陽生入于齊為陳乞所逆故

書入齊陳乞弒其君荼弒荼者朱毛與陽生也而書陳乞所以明乞立陽生而荼見弒則禍由乞始也楚比劫立

陳乞流涕子家憚老皆疑於免罪故春秋明而書之以為弒主○冬仲孫何忌帥師伐邾無傳

宋向巢帥師伐曹無傳

傳六年春晉伐鮮虞治范氏之亂也四年鮮虞納荀寅于柏人

○吳伐陳復脩舊怨也元年未得志故也楚子曰吾先君與



陳有盟不可以不救乃救陳師于城父陳盟在昭十三年

○齊陳乞偽事高國者高張國夏受命立於陳乞欲害之故先偽事焉每朝必駢

乘焉所從必言諸大夫言其罪過曰彼皆偃蹇將弃子之

命偃蹇驕敖皆曰高國得君得君寵也必偏我盍去諸固將謀子

子早圖之圖之莫如盡滅之需事之下也需疑也及朝

則曰彼虎狼也見我在子之側殺我無日矣請就

之位欲與諸大夫謀高國故求就之又謂諸大夫曰二子者禍矣恃得

君而欲謀二三子曰國之多難貴寵之由盡去之

而後君定既成謀矣盍及其未作也先諸作而後

悔亦無及也大夫從之夏六月戊辰陳乞鮑牧鮑牧國孫

及諸大夫以甲入于公宮昭子聞之與惠子乘如

公戰于莊敗高國敗也莊六軌之道國人追之國夏奔莒遂及高

張晏圍弦施來奔圍晏嬰之子圍施不書非卿

○秋七月楚子在城父將救陳卜戰不吉卜退不

吉王曰然則死也再敗楚師不如死前已敗於柏舉今若退還亦是敗弃

盟逃讎亦不如死死一也其死讎乎命公子申為

王不可則命公子結亦不可則命公子啓申子西結子期啟子閭皆

昭王昭王五辭而後許將戰王有疾庚寅昭王攻大冥卒



于城父大冥陳地吳師所在○當在河南開封府陳州項城縣境子閻退曰君王舍其子

而讓羣臣敢忘君乎從君之命順也從命許立立君之子

亦順也二順不可失也與子西子期謀潛師閉塗

逆越女之子章立之而後還潛師密發也閉塗不通外使也越女昭王妾章惠王是歲

也有雲如衆赤鳥夾日以飛三日楚子使問諸周

大史周大史曰其當王身乎日為人君妖氣守之故以為當王身雲在楚上唯楚見之故禍不及

他國若禁之可移於令尹司馬祭禳祭○祭音詠王曰除腹心之

疾而寘諸股肱何益不穀不有大過天其天諸有

罪受罰又焉移之遂弗禁初昭王有疾卜曰河為

崇王弗祭大夫請祭諸郊王曰三代命祀祭不越

望諸侯望祀竟內山川星辰江漢睢漳楚之望也四水在楚界○睢七餘反禍福之至

不是過也不穀雖不德河非所獲罪也遂弗祭孔

子曰楚昭王知大道矣其不失國也宜哉夏書曰

惟彼陶唐帥彼天常逸書言堯循天之常道○今五子之歌有此冀方今失

其行亂其紀綱乃滅而亡滅亡謂夏桀也唐虞及夏同都冀州不易地而亡由於不知大道故○滅亡謂太

康時又曰允出茲在茲由已率常可矣又逸書言信出已則福亦在已○今大禹謨

○八月齊邴意茲來奔高國黨

○陳僖子使召公子陽生召在七月今在八月下記事之次陽生駕而



見南郭且于且于齊公子鉏在魯南郭。且子餘反。曰嘗獻馬於季孫不入

於上乘故又獻此請與子乘之畏在家人聞其言故欲二人共載以試馬為辭。上乘繩

證出萊門而告之故魯郭門也闕止知之先待諸外闕止陽生家臣

子我也待公子曰事未可知反與壬也處壬陽生子簡公戒之

遂行戒使無洩言逮夜至於齊國人知之故以昏至不欲令人知也國人知而不言言陳

氏得僖子使子士之母養之隱於僖子家內子士母僖子妾與饋者皆入

陳僖子又令陽生隨饋食之人入處公宮冬十月丁卯立之將盟盟諸大夫鮑子醉而

往其臣差車鮑點點鮑牧臣也差車主車之官。差所宜反曰此誰之命也陳

子曰受命于鮑子遂誣鮑子曰子之命也見其醉故誣之鮑

子曰女忘君之為孺子牛而折其齒乎而背之也

孺子茶也景公嘗銜繩為牛使茶牽之茶頓地故折其齒悼公稽首悼公陽生曰吾子奉義而行

者也若我可不必亡一大夫言已可為君必不然鮑子若我不可不

必亡一公子公子自謂也恐鮑子殺已故要之義則進否則退敢不唯

子是從廢興無以亂則所願也鮑子曰誰非君之

子乃受盟言陽生亦君之子固可立使胡姬以安孺子如賴胡姬景公妾也賴齊邑安

號去鬻茶之殺王甲拘江說囚王豹於句賈之邱

三子景公嬖臣茶之黨也。說音悅句音鉤公使朱毛告於陳子朱毛齊大夫曰微子

則不及此然君異於器不可以二器二不匱君二



多難敢布諸大夫

○是時陳氏專擅國政如二君然

僖子不對而泣曰

君舉不信羣臣乎

舉皆也

以齊國之困困又有憂

內有饑荒之困

又有兵革之憂

少君不可以訪是以求長君庶亦能容羣臣

乎不然夫孺子何罪毛復命公悔之

悔失言

毛曰君大

訪於陳子而圖其小可也

大謂國政小謂殺茶

使毛遷孺子於

駘不至殺諸野幕之下葬諸爰冒淳

恐駘人不從故毛駘於野張帳而殺之駘

齊邑爰冒淳地名實以冬殺經書秋者史書秋記始事遂連其死通以冬告魯○駘他才反

經七年春宋皇瑗帥師侵鄭

○瑗子眷反

○晉魏曼多帥

師侵衛○夏公會吳于鄆

鄆今琅邪鄆縣○鄆才陵反

○秋公伐邾

八月己酉入邾以邾子益來

他國言歸於魯言來外內之辭

○宋人圍

曹冬鄭駟弘帥師救曹

傳七年春宋師侵鄭鄭叛晉故也

定八年鄭始叛

○晉師侵衛衛不服也

五年晉伐衛至今未服

○夏公會吳于鄆

吳欲霸中國

吳來徵百牢子服景伯對

曰先王未之有也吳人曰宋百牢我

是時吳過宋得百牢

魯不

可以後宋且魯牢晉大夫過十

晉大夫范鞅也在昭二十一年

吳王百

牢不亦可乎景伯曰晉范鞅貪而弃禮以大國懼

敝邑故敝邑十一牢之君若以禮命於諸侯則有



數矣

有常數。周禮大行人云：上公九牢，諸侯七牢，子男五牢。

若亦弃禮，則有淫者矣。

淫，過也。

過于常數。

周之王也，制禮上物，不過十二。

上物，天子之牢。陸氏祭曰：如冕與旂俱十二。

旒，玉路繁纓。十二就之類。

以為天之數也。

天有十二次，故制禮象之。今弃周禮而曰

必百牢，亦唯執事。吳人弗聽。景伯曰：吳將亡矣，弃

天而背本。

違周為背本。弃天十之數，背周制禮之本。

不與，必弃疾於我。

放，弃也。疾，來伐。

擊我。

乃與之。大宰嚭召季康子。

嚭，吳大夫。

康子使子貢辭。大

宰嚭曰：國君道長。

蓋言君長大於道路。長，上聲。

而大夫不出門，此何

禮也？對曰：豈以為禮畏大國也？

畏大國不敢虛國盡行。

大國不以

禮命於諸侯，苟不以禮，豈可量也？寡君既共命焉。

其老豈敢弃其國？犬伯端委以治周禮，仲雍嗣之。

斷髮文身，贏以為飾，豈禮也哉？有由然也。

犬伯，周大王之長子。仲雍，

犬伯弟也。犬伯仲雍讓其弟季歷，俱適荆蠻，遂有民衆。犬伯卒，無子。仲雍嗣立，不能行禮，致化，故效吳俗。言其權時制宜，以辟災害，非以為禮也。端委，禮衣也。斷，音短。越人常在水中，故斷其髮，文其身。以象龍子，故不見傷害。端委，貌之冠，立端之衣也。

反自郛，以吳為

無能為也。

弃禮，知其不能霸也。

○季康子欲伐邾，乃饗大夫以謀之。子服景伯曰：

小所以事大，信也。大所以保小，仁也。背大國不信

大國，伐小國不仁。民保於城，城保於德。失二德者，危

將焉保？

二德，信與仁也。

孟孫曰：二三子以為何如？

性，諸大夫不言，故指問之。惡



賢而逆之孟孫賢景伯欲使大夫不逆其言惡猶安也○惡音烏○言景伯賢人也安有賢人之言而可違之對曰禹

合諸侯於塗山執玉帛者萬國諸大夫對也諸侯執玉附庸執帛塗山在壽春東北今

其存者無數十焉唯大不字小小不事大也言諸侯相伐古

知必危何故不言知伐邾必危自當言今不言者不危故也大夫以答孟孫所性且阿附季孫魯德

如邾而以衆加之可乎孟孫忿答大夫今魯德無以勝邾但欲恃衆可乎言不可○馮氏李驊曰此上

皆諸大夫語言列國至今相胥以亡者皆由背大國伐小國而然今魯背吳

伐邾知危而不言者非不言乃言而無益耳况魯德如邾何可以亂治亂耶

蓋諸大夫皆與季孫不合故不樂而出季孟意異佞直秋伐邾及范門

猶聞鐘聲邾不德寇大夫諫不聽茅成子請告於吳

不許曰魯擊柝聞於邾言以近吳二千里不三

月不至何及於我且國內豈不足言足以距魯成子以茅

叛高平西南有茅鄉亭○在今山東兗州府金鄉縣西北四十里師遂入邾處其公宮衆師

晝掠虜掠取財物也○掠音亮邾衆保于繹繹邾山也在鄒縣北師宵掠以邾子

益來益邾隱公也晝夜掠傳言康子無法獻于亳社以其亡國與殷同囚諸負瑕負

瑕故有繹負瑕魯邑高平南平陽縣西北有瑕邱城前者魯得邾之繹民使在負瑕故使相就以辱之○瑕邱城在今兗州府

滋陽縣西二十五里邾茅夷鴻以束帛乘韋自請救於吳無君命故言自

○乘去聲曰魯弱晉而遠吳馮恃其衆依馮而背君之盟辟

君之執事辟音僻以陵我小國邾非敢自愛也懼君

威之不立君威之不立小國之憂也若夏盟於鄆

哀公

省南

三

三



行節從即節也節盟不書吳行夷禮禮儀不典非所以結信義故不錄秋而背之成求而不違言魯成其

所求無違逆也四方諸侯其何以事君且魯賦八百乘君之

貳也貳敵也魯以八百乘之賦貢於吳言其國大邾賦六百乘君之私也為私屬以

私奉貳唯君圖之吳子從之為明年吳伐我傳

○宋人圍曹鄭桓子思曰宋人有曹鄭之患也不

可以不救桓謚冬鄭師救曹侵宋初曹人或夢衆君

子立于社宮社宮社也而謀亡曹曹叔振鐸請待公孫彊

許之振鐸曹始祖旦而求之曹無之戒其子曰我死爾聞

公孫彊為政必去之及曹伯陽即位好田弋曹鄙

人公孫彊好弋獲白鴈獻之且言田弋之說說之

因訪政事大說之有寵使為司城以聽政夢者之

子乃行彊言霸說於曹伯曹伯從之乃背晉而奸

宋宋人伐之晉人不救築五邑於其郊曰黍邱揖

邱大城鍾邗為明年入曹傳也梁國下邑縣西南有黍邱亭○邗音于○下邑即今之夏邑也屬河南歸德府黍邱亭在縣

西

經八年春王正月宋公入曹以曹伯陽歸曹人背晉而奸宋是以致

討宋公既還而不忍褚師之詬怒而反兵一舉滅曹滅非本志故以入告○湛

氏若水曰書宋公入曹以曹伯陽歸罪滅國也入曹俘君不必言滅而實滅也

○吳伐我○夏齊人取讎及闡不書伐兵未加而魯與之邑闡在東平剛縣北○今山東



兗州府寧陽縣本魯闡邑地。故剛城在縣東北三十五里。○歸邾子益于邾。○秋七月○

冬十有二月癸亥杞伯過卒無傳未同盟而赴以名。過平聲。○齊人

歸謹及闡不言來命歸之無旨使也。

傳八年春宋公伐曹將還褚師子肥殿子肥宋大夫。曹人

詬之不行詬詈辱也不行殿兵止也。師待之公聞之怒命反之遂滅

曹執曹伯及司城彊以歸殺之終曹人之夢。

○吳為邾故將伐魯問於叔孫輒問可伐不輒故魯人。定十二年輒與不狃襲

魯兵敗奔齊後自齊奔吳。叔孫輒對曰魯有名而無情有大國名無情實。伐之

必得志焉退而告公山不狃不狃亦魯人。公山不狃曰非

禮也君子違不適讎國違奔亡也。未臣而有伐之奔命焉

死之可也未臣所適之國若有伐本國者則可還奔命死其難。所託也則隱曾所因託則為之隱惡。既託

所適之國則隱嘿不與其謀。且夫人之行也不以所惡廢鄉不以其私怨惡廢其鄉。

黨之好。惡去聲。今子以小惡而欲覆宗國不亦難乎輒魯公族故謂

之宗國。覆芳服反。若使子率子必辭王將使我子張病之子張

○率引導非為帥也。以二人知魯道故。王問於子洩子洩不狃。對曰魯雖無與立

緩時若無能自立。必有與斃急則人人知懼。皆將同死戰。諸侯將救之未可以

得志焉晉與齊楚輔之是四讎也與魯而四。夫魯齊晉之

脣脣亡齒寒君所知也不救何為三月吳伐我子



洩率故道險從武城故由險道欲使魯成備初武城人或有因於

吳竟田焉僑田吳界拘郈人之漚管者曰何故使吾水滋

之郈人亦僑田吳滋濁也○漚烏豆反管古頰反及吳師至拘者道之以伐武城克

國人懼王犯吳大夫故嘗奔魯為武城宰澹臺子羽武城人孔子弟子也其父與王犯相善國人懼其為內應○澹待甘反懿子

謂景伯若之何對曰吳師來斯與之戰何患焉且

召之而至又何求焉言犯盟伐邾所以召吳吳師克東陽而進舍

於五梧明日舍於蠶室三邑魯地○東陽在兗州府費縣西南七里今名關陽鎮五梧城在費縣西

公賓庚公甲叔子與戰于夷獲叔子與析朱鉏公賓庚公

甲叔子并析朱鉏為三人皆同車傳互言之獻於王王曰此同車必使能國未

可望也同車能俱死是國能使人故不可望得明日舍于庚宗遂次於泗上

微虎欲宵攻王舍微虎魯大夫私屬徒七百人三踊於幕

庭於帳前設格令士試躍之○屬音燭卒三百人有若與焉卒終也終得三百人任行有若孔子弟子

與在三及稷門之內三百人行至稷門或謂季孫曰不足以害

吳而多殺國士不如已也乃止之吳子聞之一夕

三遷畏微虎也吳人行成求與魯成將盟景伯曰楚人圍宋易子

而食析骸而爨在宣十五年猶無城下之盟我未及虧而

有城下之盟是弃國也吳輕而遠不能久將歸矣



請少待之弗從景伯負載造於萊門以言不見從故負載

聲乃請釋子服何於吳吳人許之以王子姑曹當

之而後止釋舍也魯人不可以盟為了欲因留景伯為質於吳既得吳之許復求吳王之子以交質吳人欲留王子故遂兩止吳

人盟而還不書盟恥吳夷

○齊悼公之來也在五季康子以其妹妻之即位而

逆之季魴侯通焉魴侯康子叔父○魴音房女言其情弗敢與也齊

侯怒夏五月齊鮑牧帥師伐我取讎及闡

○或譖胡姬於齊侯胡姬景公妾曰安孺子之黨也六月

齊侯殺胡姬傳言齊侯無道所以不終

○齊侯使如吳請師將以伐我乃歸邾子齊未得季姬故請師也吳

前為邾討魯懼二國同心故歸邾子邾子又無道吳子使大宰子餘討之

子餘犬宰嚭囚諸樓臺梃之以棘梃擁也○梃在薦反使諸大夫奉大

子革以為政革邾大子桓公也為十年邾子來奔傳

○秋及齊平九月臧賓如如齊涖盟賓如臧會子齊閭邱

明來涖盟明閭邱嬰之子也盟不書諱略之且逆季姬以歸嬖季姬魴侯所通者

○鮑牧又謂羣公子曰使女有馬千乘乎有馬千乘使為君也鮑牧

本不欲立陽生故諷動羣公子公子愬之公謂鮑子或譖子子姑居於

涖以察之涖齊邑○言待我察之若有之則分室以行若無之則



反子之所出門使以三分之一行半道使以二乘  
及潞麋之以入遂殺之麋亦束縛。麋邱隕反。

○冬十二月齊人歸謹及闈季姬嬖故也

經九年春王二月葬杞僖公無傳三月而葬速。○宋皇瑗帥

師取鄭師于雍邱書取覆而敗之雍邱縣屬陳留。雍於勇反。今河南開封府杞縣治也。○夏楚

人伐陳○秋宋公伐鄭○冬十月

傳九年春齊侯使公孟綽辭師于吳齊與魯平。故辭吳師。吳子

曰昔歲寡人聞命今又革之不知所從將進受命

於君為十年吳伐齊傳。

○鄭武子賸之嬖許瑕求邑無以與之賸罕達也。瑕武子之屬。賸以

證請外取許之瑕請取於他國也。故圍宋雍邱宋皇瑗圍鄭

師許瑕師。每日遷舍作壘壘成輒徙舍合其圍。壘合鄭師哭子姚救之大

敗子姚武子賸也。二月甲戌宋取鄭師于雍邱使有能者無

死惜其能也。以邾張與鄭羅歸鄭之有能者。

○夏楚人伐陳陳即吳故也

○宋公伐鄭報雍邱。

○秋吳城邳溝通江淮於邳江築城穿溝東北通射陽湖西北至宋口入淮通糧道也。今廣陵邳江是

邳音寒射食亦反。



○晉趙鞅卜救鄭遇水適火水火之兆。服氏虔曰：北南行，適火下法，橫者為土，立者為木。

邪向經者為金，背經者為火，因兆而細曲者為水。占諸史趙史墨史龜皆晉史龜曰：

是謂沈陽火陽得水故沈可以興兵兵陰類也故利以伐姜不利

子商姜齊姓子商謂宋伐齊則可敵宋不吉。史墨曰：盈水名

也。子水位也。趙鞅姓盈，宋姓子，水盈坎乃行，子姓又得北方水位。○秦本紀：秦伯翳之後為嬴姓，趙世家云：趙氏之先與秦同祖，其伯翳後世為盈，泄蜚廉有子二人，一曰惡來，其後為秦。一曰季勝，其後為趙。今卜趙鞅伐宋，故以贏子二姓為占也。名位敵不

可干也。二水俱盛故言不可干。炎帝為火師神農有火瑞以火名官姜姓其後也。

水勝火，伐姜則可。史趙曰：是謂如川之滿，不可游

也。既盈而得水位，故為如川之滿，不可馮游，言其波流盛。鄭方有罪，不可救也。鄭以嬖寵伐人，故以為有

罪救鄭則不吉，不知其他。救鄭則當伐宋，故不吉也。陽虎以周易筮之。

遇泰乾下坤上泰之需乾下坎上需泰六五變曰：宋方吉，不可

與也。不可與戰，泰六五曰：帝乙歸妹，以祉元吉。帝乙紂父，立為天子，故稱帝乙。陰而得中，有似王者嫁妹，得如其願，受福祿而大吉。微

子啓，帝乙之元子也。宋鄭甥舅也。宋鄭為昏姻甥舅之國，宋為微子之後，今卜得

帝乙卦故以為宋吉祉，祿也。若帝乙之元子歸妹而有吉祿，我

安得吉焉，乃止。吉在彼則我伐之為不吉

○冬，吳子使來倣師伐齊。前年齊與吳謀伐魯，齊既與魯成而止，故吳恨之，反與魯謀伐齊。

經十年春，王二月，邾子益來奔。○公會吳伐齊。書會從不

與○三月，戊戌，齊侯陽生卒。以疾赴故不書弒○夏，宋人伐鄭。

春秋左傳卷之九 哀公 省南



無傳 ○晉趙鞅帥師侵齊 ○五月公至自伐齊 無傳 ○葬

齊悼公 無傳 ○衛公孟彊自齊歸于衛 無傳 書歸 ○薛

伯夷卒 無傳 赴以 ○秋葬薛惠公 無傳 ○冬楚公子結

帥師伐陳 吳救陳 季子不書 陳人來告 不以名

傳十年春 邾隱公來奔 齊甥也 故遂奔齊 終子貢之言

○公會吳子邾子邾子 伐齊南部 師于郕 郕 齊地 邾 不書 兵并屬

吳不列 齊人弒悼公 赴于師 以說吳 ○吳氏澂曰 當時以吳 師在齊而公卒 遂以為弒爾 吳子

三日哭于軍門之外 徐承帥舟師將自海入齊 齊人敗之 吳師乃還 承 吳大夫

○夏趙鞅帥師伐齊 經書侵以侵告 ○高氏閔曰 齊帥諸侯以貳 弗與也 故書侵 異乎士句矣 大夫請卜之 趙孟曰 吾卜於此起兵 謂往歲卜

伐宋不吉利 以 事不再令 再令 卜不襲吉 襲重 行也 於是乎

取犁及轅 犁 一名隰 濟南有隰陰縣 祝阿縣西有轅城 ○今臨邑縣西 有隰陰故城 本齊犁邑 禹城縣西北有瑗城 即轅也 俱屬山

東濟南府 毀高唐之郭 侵及賴而還

○秋 吳子使來復 做師 伐齊未得志 故為 明年吳伐齊傳

○冬 楚子期伐陳 陳即 吳故 吳延州來季子救陳 謂子期

曰 二君不務德 而力爭諸侯 民何罪焉 我請退

以為子名 務德而安民 乃還 季子 吳王壽夢少子也 壽夢以 襄十二年卒 至今七十七歲壽

哀公



夢卒季子已能讓國年當十五六至今蓋九十餘

經十有一年春齊國書帥師伐我○夏陳轅頗出

奔鄭書名○五月公會吳伐齊甲戌齊國書帥師及

吳戰于艾陵齊師敗績獲齊國書公與伐而不與○秋

七月辛酉滕子虞母卒無傳赴以○冬十有一月葬

滕隱公無傳○衛世叔齊出奔宋書名

傳十一年春齊為鄆故鄆在國書高無平帥師伐我

及清清齊地濟北盧縣東有清亭○季孫謂其宰冉求冉求魯人

曰齊師在清必魯故也若之何求曰一子守二子

從公禦諸竟季孫曰不能自度力不能使求曰居封疆

之間封疆竟內季孫告二子二子禦諸竟二子不可求曰

若不可則君無出一子帥師背城而戰不屬者非

魯人也屬臣屬也言魯之羣室眾於齊之兵車羣室都

室敵車優矣一都之眾敵子何患焉二子之不欲戰

也宜政在季氏言二子恨季氏當子之身齊人伐魯而

不能戰子之恥也大不列於諸侯矣季孫使從於

朝使冉求隨侯於黨氏之溝黨氏溝朝中地武叔呼而問

戰焉問冉對曰君子有遠慮小人何知懿子強問之



對曰。小人慮材而言。量力而共者也。言子所問非已材力所及故不能言

武叔曰。是謂我不成丈夫也。知冉求非已不欲戰故不對退而蒐乘

蒐孟孺子洩帥右師。孺子孟懿子之子武伯孫顏羽御。邴洩為右。二子孟氏

臣冉求帥左師。管周父御。樊遲為右。樊遲魯人孔子弟子樊須季孫

曰。須也弱。有子曰。就用命焉。雖年少能用命。有子冉求也季氏之甲

七千。冉有以武城人三百為已徒卒。步卒精兵老幼守宮。

次于雩門之外。南城門也五日。右師從之。五日乃從。言不欲戰公叔務人

務人為昭公子見保者而泣。保守城者曰。事充。縣役煩政重。賦稅多上不能謀。

士不能死。何以治民。吾既言之矣。敢不勉乎。既言人不能死

已不敢不死師及齊師戰于郊。齊師自稷曲。稷曲地名師不踰

溝。樊遲曰。非不能也。不信子也。言魯師非不能踰溝也。不信子之號令也請

三刻而踰之。與眾三刻約信如之。眾從之。如樊遲言。乃踰溝師入齊軍。冉求之師

右師奔。齊人從之。逐右師陳瓘陳莊涉泗。二陳齊大夫。瓘古喚反孟之

側後入。以為殿。之側孟氏族也。字反抽矢策其馬。曰。馬不進也。不欲伐善

林不狃之。伍曰。走乎。不狃魯士五人。為伍敗而欲走不狃曰。誰不如。我不如誰

而欲走曰。然則止乎。不狃曰。惡賢。言止戰惡足為賢。皆無戰志。惡音烏徐步而

死。徐行而死。言魯非無壯士。但季孫不能使師獲甲首八十。冉求所得齊人不能師。不能整其

宵謀曰。齊人遁也。謀間也冉有請從之。三季孫弗許。孟



孺子語人曰。我不如顏羽。而賢於邴洩。二子與孟孺子同車。子羽

銳敏。子羽顏羽銳精也。敏疾也。言欲戰。我不欲戰。而能默。心雖不欲。口不言奔。洩曰。驅之。

言驅馬欲奔。公為與其嬖僮汪錡乘。皆死。皆殯。皆俱也。錡魚綺反。孔子

曰。能執干戈以衛社稷。可無殤也。時人疑童子當殤。○孔疏。年十九至十六為長

場。十五至十二為中殤。十一至八歲為下殤。不滿八歲以下。皆為無服之殤。其於服也。長殤中殤降成人一等。下殤降二等。此汪錡蓋長殤也。時人疑其

當降服。又葬殤之禮。亦異成人。檀弓云。周人以殷人之棺槨葬長殤。以夏后氏之聖周葬中殤。下殤以有虞氏之瓦棺葬。無服之殤。冉有用

矛於齊師。故能入其軍。孔子曰。義也。言能以義勇不書戰。不皆陳也。不書

敗勝負不殊。○夏陳轅頗出奔鄭。初。轅頗為司徒。賦封田。以嫁

公女。封內之田。悉賦稅之。有餘。以為已大器。大器鐘鼎之屬。國人逐之。故

出道渴。其族轅咺進稻醴。梁糗。暇脯焉。糗。乾飯也。○糗起九反。暇。丁亂

反。○咺。况阮反。以稻米為醴酒。以梁米為乾飯。加薑桂曰脯。喜曰。何其給也。對曰。器成而

具。具此醴糗。曰。何不吾諫。對曰。懼先行。恐言不從。先見逐。

○為郊戰。故公會吳子。伐齊。欲以報也。五月。克博。壬申。至

于贏。博。贏。齊邑也。二縣皆屬泰山。中軍從王。吳中軍。胥門。巢將上軍。王子

姑曹將下軍。展如將右軍。三將。吳大夫。齊國書將中軍。高

無平將上軍。宗樓將下軍。陳僖子謂其弟書。爾死。

我必得志。書。子占也。欲獲死事之功。宗子陽與閻邱明相厲也。相勸厲。致死。子



陽宗樓也桑掩胥御國子國子國書公孫復曰二子必死亦勸勉之將戰

公孫復命其徒歌虞殯虞殯送葬歌曲示必死陳子行命其徒具

含玉子行陳逆也具含玉亦示必死○含玉聲公孫揮命其徒曰人尋約吳髮

短約繩也八尺為尋吳髮短欲以繩貫其首東郭書曰三戰必死於此三矣三戰夷儀

五氏與今使問弦多以琴弦多齊人也六年奔魯問遺也曰吾不復見子矣言將死戰

陳書曰此行也吾聞鼓而已不聞金矣鼓以進軍金以退軍不聞金言

將死也傳言吳師彊齊人皆自知將敗甲戌戰于艾陵展如敗高子齊王軍敗國子

敗胥門巢吳土軍亦敗王卒助之大敗齊師獲國書公孫

復間邱明陳書東郭書革車八百乘甲首三千以

獻于公公以兵從故以勞公將戰吳子呼叔孫叔孫武叔州仇曰而事何

也問何職對曰從司馬從吳司馬所命王賜之甲劔鉞○鉞普悲反曰奉

爾君事敬無廢命叔孫未能對衛賜進賜子貢孔子弟子也○子貢衛

人故稱衛賜曰州仇奉甲從君而拜拜受之公使大史固歸國

子之元歸於齊也元首也吳以獻魯寘之新篋慰薦也○加製音尉加

組帶焉寘書于其上曰天若不識不哀何以使下

國言天識不善故殺國子

○吳將伐齊越子率其眾以朝焉王及列士皆有

饋賂吳人皆喜唯子胥懼曰是豢吳也夫豢養也若人養犧牲非愛



之將殺之諫曰越在我心腹之疾也壤地同而有欲於我

欲得夫其柔服求濟其欲也不如早從事焉從事擊之得志

於齊猶獲石田也無所用之石田不可耕越不為沼吳其

泯矣使醫除疾而曰必遺類焉者未之有也盤庚

之誥曰其有顛越不共則劓殄無遺育無俾易種

于茲邑盤庚商書也顛越不共從橫不承命者也劓割也殄絕也育長也俾使也易種轉生種類是商所以與

也今君易之將以求大不亦難乎弗聽使於齊屬

其子於鮑氏為王孫氏私使人至齊屬以其子改姓為王孫欲辟吳禍屬音燭下同反役

王聞之使賜之屬鏹以死艾陵役也屬鏹劍名鏹音閭將死曰樹吾

墓櫨櫨可材也吳其亡乎三年其始弱矣盈必毀

天之道也越人朝之伐齊勝之盈之極也為十三年越伐吳起

○秋季孫命脩守備曰小勝大禍也齊至無日矣

善有備

○冬衛大叔疾出奔宋疾即齊也初疾娶于宋子朝子朝宋人仕衛

為大其娣嬖娣所娶夫子朝出出奔孔文子使疾出其妻而

妻之疾使侍人誘其初妻之娣寘於犁犁衛邑而為之

一宮如二妻文子怒欲攻之仲尼止之遂奪其妻

或淫于外州外州人奪之軒以獻外州衛邑軒車也恥是



二者故出衛人立遣使室孔姑遺疾之弟孔姑孔文子之女疾之妻疾臣

向魘為宋向魘臣納美珠焉與之城鉏城鉏宋邑宋公求珠魘不

與由是得罪及桓氏出出在十四年城鉏人攻大叔疾衛

莊公復之聽使還使處巢死焉殯於鄆葬於少禘終言疾之失所

也巢鄭少禘皆衛地初晉悼公子愁亡在衛使其女僕而田僕御田獵

大叔懿子止而飲之酒懿子大叔儀之孫遂聘之生悼子悼子大叔

疾悼子即位故夏戊為大夫夏戊悼子之甥○戊音茂悼子亡衛人

翦夏戊翦削其爵邑孔文子之將攻大叔也訪於仲尼仲

尼曰胡簋之事則嘗學之矣胡簋禮器名夏曰胡周曰簋甲兵之事

未之聞也退命駕而行曰鳥則擇木木豈能擇鳥

以為自喻文子遽止之曰圍豈敢度其私訪衛國之難也

圍文子名度謀也將止仲尼魯人以幣召之乃歸於是自衛反魯樂正雅頌各得其所

○季孫欲以田賦邱賦之法因其田財通出馬一疋牛三頭今欲別其田及家財各為一賦故言田賦○孔疏計

一邱民之家資令出一馬三牛又計田之所收更出一馬三牛也使冉有訪於仲尼仲尼曰邱

不識也三發三發問卒曰卒終也子為國老待子而行若之

何子之不言也仲尼不對不公答而私於冉有曰君子

之行也行政事度於禮施取其厚事舉其中斂從其薄

如是則以邱亦足矣邱十六井出戎馬一疋牛三頭是賦之常法若不度於禮



而貪冒無厭則雖以田賦將又不足且子季孫若欲行而法則周公之典在若欲苟而行又何訪焉

弗聽為明年用田賦傳○厭平聲

經十有二年春用田賦直書之者以示改法重賦○夏五月甲辰孟

子卒魯人諱娶同姓謂之孟○公會吳于橐臯橐臯在淮南邊

音峻○今江南廬州府巢縣西北六十里有柘臯鎮漢之橐臯縣春秋吳邑也○秋公會衛侯宋皇瑗

于鄖鄖發陽也廣陵海陵縣東南有發縣口○鄖音遙○今江南揚州府如臯縣東立發壩古發陽也亦名古鄖○宋向巢

帥師伐鄭○冬十有二月螽周十二月今十月是歲應置閏而失不置雖書十二月實今之

九月初尚溫故得有螽

傳十二年春王正月用田賦終前年事

○夏五月昭夫人孟子卒昭公娶于吳故不書姓

死不赴故不稱夫人不稱夫人故不言薨不反哭故

不言葬小君反哭者夫人禮也以同姓故不成其夫人喪孔子與弔適季氏季

氏不綫放經而拜孔子始老故與弔也綫喪冠也孔子以小君禮往弔季孫不服喪故去經從主節制○綫音問

○公會吳于橐臯吳子使大宰嚭請尋盟尋鄭公不

欲使子貢對曰盟所以周信也周固故心以制之制其義五

帛以奉之奉贊言以結之結其信明神以要之要以禍福寡君以

哀公咸陳



為苟有盟焉弗可改也已若猶可改日盟何益今  
吾子曰必尋盟若可尋也亦可寒也尋重也乃不尋盟

○吳徵會于衛初衛人殺吳行人且姚而懼謀於

行人子羽子羽衛大夫也子羽曰吳方無道無乃辱吾

君不如止也子木曰吳方無道子木衛大夫國無道必弃

疾於人吳雖無道猶足以患衛為衛患也往也長木之斃

無不標也標擊也國狗之瘞無不噬也瘞狂也噬齧也而

况大國乎秋衛侯會吳于鄆公及衛侯宋皇瑗盟

盟不書畏而卒辭吳盟吳人藩衛侯之舍藩籬子服景

伯謂子貢曰夫諸侯之會事既畢矣侯伯致禮地

主歸餼侯伯致禮以禮賓也地主所會主人也餼生物也以相辭也

各以禮相辭讓今吳不行禮於衛而藩其君舍以難之難苦困也

去聲子盍見大宰乃請束錦以行以賂吳語及衛故若本不為衛請

者大宰嚭曰寡君願事衛君衛君之來也緩寡君

懼故將止之止執子貢曰衛君之來必謀於其眾其

眾或欲或否是以緩來其欲來者子之黨也其不

欲來者子之讎也若執衛君是墮黨而崇讎也墮毀

也墮許規反夫墮子者得其志矣且合諸侯而執衛君誰



敢不懼。墮黨崇讎，而懼諸侯。或者難以霸乎？大宰  
嚭說乃舍衛侯。衛侯歸，效夷言。子之尚幼。子之公孫彌牟曰：君必不免。其死於夷乎？執焉而又說其言，從之，固

矣。出公輒後卒死於越

○冬十二月，螽。季孫問諸仲尼。仲尼曰：邱聞之火

伏而後蟄者畢。火心星也。火伏在今十月。今火猶西流，司歷過也。猶西流言

未盡沒知是九月歷官失一閏釋例論之備

○宋鄭之間有隙地焉。隙地，閒田。曰：彌作頃邱，玉暢。岳戈

錫。凡六邑。○岳五咸反。錫音羊。子產與宋人為成，曰：勿有是。俱奔之。及宋

平元之族自蕭奔鄭。在定十五年。鄭人為之城。岳戈錫。城以處平

族。元之族。九月，宋向巢伐鄭，取錫，殺元公之孫，遂圍岳。十

二月，鄭罕達救岳。丙申，圍宋師。此事經在十二月螽上。今倒在下，更具列其月以為別者。

邱明本不以為義例，故不皆齊同。

經十有三年。春，鄭罕達帥師取宋師于岳。書取覆而敗之。○

夏，許男成卒。無傳。○公會晉侯及吳子于黃池。陳留封邱縣南。

有黃亭，近濟水。夫差欲霸中國，尊天子，自去其僭號而稱子，以告令諸侯，故史承而書之。○今黃池在河南開封府封邱縣西南。○楚公

子申帥師伐陳。無傳。○於越入吳。○秋，公至自會。無傳。

○晉魏曼多帥師侵衛。無傳。○葬許元公。無傳。○九月，



冬十有一月有星孛于東方無傳平旦眾星皆沒而孛乃見故不言所

盜殺陳夏區夫無傳稱盜非大夫區烏侯反○十有二月

在之次。○盜殺陳夏區夫無傳稱盜非大夫區烏侯反

傳十三年春宋向魍救其師救前年圍岳師鄭子賡使徇曰

得桓魋者有賞魍也逃歸遂取宋師于岳獲成謹

郟延二子宋大夫以六邑為虛空虛之各不有

○夏公會單平公晉定公吳夫差于黃池平公周卿士也不書尊之

六月丙子越子伐吳為二隧不與會隧隧道也顧氏炎武曰隧即古隊字疇無

餘謳陽自南方二子越大夫先及郊吳犬子友王子地王

孫彌庸壽於姚自泓上觀之觀越師泓水名彌庸見姑蔑之

旗姑蔑越地今東陽犬未縣大音泰今浙江衢州府龍游縣也曰吾父之旗也彌庸父為越所獲故姑蔑人得

不可以見讎而弗殺也犬子曰戰而不克將亡

國請待之彌庸不可屬徒五千屬會也屬音燭王子地助

之乙酉戰彌庸獲疇無餘地獲謳陽越子至王子

地守丙戌復戰大敗吳師獲犬子友王孫彌庸壽

於姚地守故不獲丁亥入吳吳人告敗于王王惡其聞也

自劉七人於幕下以絕秋七月辛丑盟吳晉爭

先爭歃血吳人曰於周室我為長吳為犬伯後故為長晉人曰於



姬姓。我為伯伯為侯。趙鞅呼司馬寅寅晉大夫曰：日旰矣。旰晚也。○旰古

旦反。大事未成，二臣之罪也。大事盟也。二臣鞅與寅。建鼓整列，二臣

死之。長幼必可知也。對曰：請姑視之。反曰：肉食者

無墨。墨氣色下。今吳王有墨，國勝乎？國為敵所勝。大子死乎？且夷

德輕，不忍久，請少待之。少待無與爭。○輕去聲。乃先晉人。盟不書諸侯恥之，故不錄

吳人將以公見晉侯。子服景伯對使者曰：王合諸

侯，則伯帥侯牧以見於王。伯王官伯。侯牧方伯。伯合諸侯，則侯

帥子男以見於伯。伯諸侯長。自王以下，朝聘玉帛不同，故

敝邑之職貢於吳，有豐於晉，無不及焉，以為伯也。

今諸侯會，而君將以寡君見晉君，則晉成為伯矣。

敝邑將改職貢，魯賦於吳八百乘，若為子男，則將

半邾，以屬於吳。半邾三。而如邾以事晉。如邾六。且執事

以伯名諸侯，而以侯終之，何利之有焉？吳人乃止。

既而悔之。謂景伯欺之。將囚景伯。景伯曰：何也？立後於魯

矣。何景伯名。將以二乘與六人從，遲速唯命，遂囚以還。及

戶牖。戶牖陳留外黃縣西北，東昏城是。○今東昏故城在開封府蘭陽縣東北。謂大宰曰：魯將以

十月上辛，有事於上帝，先王季辛而畢，何世有職

焉？有職於祭事。自襄以來，未之改也。魯襄公。若不會，祝宗將曰

哀公 聖傳



吳實然言魯祝宗將告神云景伯不會坐為吳所囚吳人信鬼故以是恐之且謂魯不共而執其

賤者七人何損焉大宰嚭言於王曰無損於魯而

祇為名適為惡名不如歸之乃歸景伯吳申叔儀乞糧於

公孫有山氏申叔儀吳大夫公孫有山魯大夫舊相識曰佩玉繁兮余無所繫

之繁然服飾備也已獨無以繫佩言吳王不恤下○繁而水反旨酒一盛兮余與褐之父

睨之一盛一器也睨視也褐寒賤之人言但得視不得飲○盛音成對曰梁則無矣麤則有

之若登首山以呼曰庚癸乎則諾軍中不得出糧故為私隱庚西方主穀癸北方主水

傳言吳子不與士共饑渴所以亡○呼去聲孔疏食以稻梁為貴故以梁表精若求梁米之飯則無矣麤者則有之若我登首山以叫呼庚癸乎女則諾庚在西方穀以秋熟故以庚主穀癸在北方居水之位故以癸主水言欲致餅并致飲也王欲伐宋殺其丈夫

而囚其婦人以宋不會黃池故言吳子悖惑大宰嚭曰可勝也而弗能

居也乃歸冬吳及越平終伍員之言

春秋左傳杜注卷第二十九



春秋左傳杜注卷第三十

華亭姚培謙學

哀公

經十有四年春西狩獲麟

麟者仁獸聖王之嘉瑞也時無明王出而遇獲仲尼傷周道之不與感嘉

瑞之無應故因魯春秋而脩中興之教絕筆於獲麟之一句所感而作固所以為終也冬獵曰狩蓋虞人脩常職故不書狩者大野在魯西故言西狩得用

曰獲○小邾射以句繹來奔射小邾大夫句繹地名春秋止於獲麟故射不在三叛人之數自此以下

至十六年皆魯史記之文弟子欲存孔子卒故并錄以續孔子所脩之經○射音亦句古侯反○夏四月齊陳恒

執其君寘于舒州○今山東兗州府滕縣東南薛城是○庚戌叔還卒無傳

○五月庚申朔日有食之無傳○陳宗豎出奔楚無傳



○宋向魍入于曹以叛曹宋邑○莒子狂卒無傳○狂其廷反○

六月宋向魍自曹出奔衛宋向巢來奔○齊人弒

其君壬于舒州○秋晉趙鞅帥師伐衛無傳○八月

辛丑仲孫何忌卒○冬陳宗豎自楚復入于陳陳

人殺之無傳○陳轅買出奔楚無傳○有星孛無傳不言所在史失之

○饑無傳

傳十四年春西狩於大野叔孫氏之車子鉏商獲

麟大野在高平鉅野縣東北大澤是也車子微者鉏商名○今兗州府嘉祥縣西有獲麟堆蓋嘉祥本鉅野分置也車子將車之子以為

不祥以賜虞人時所未嘗見故恠之仲尼觀之曰麟也然

後取之言魯史所以得書獲麟

○小邾射以句繹來奔曰使季路要我吾無盟矣

子路信誠故欲得與相要誓而不須盟孔子弟子既續書魯策以繫於經邱明亦隨而傳之終於哀公以卒前事其異事則皆畧而不傳故此經無傳者多

使子路子路辭季康子使冉有謂之曰千乘之

國不信其盟而信子之言子何辱焉對曰魯有事

于小邾不敢問故死其城下可也彼不臣而濟其

言是義之也由弗能也濟成也

○齊簡公之在魯也闕止有寵焉簡公悼公陽生子壬也闕止子我也事在六年

及即位使為政陳成子憚之驟顧諸朝成子陳常心不安故數顧之



諸御鞅言於公鞅齊大夫曰陳闞不可竝也君其擇焉擇用一人

弗聽子我夕夕視陳逆殺人逢之陳逆子行陳氏宗也子我逢之遂執以

入執逆至朝陳氏方睦欲謀齊國故宗族和使疾而遺之潘沐備酒肉

焉使詐病因內潘沐并得內酒肉潘米汁可以沐頭遺去聲潘音翻饗守囚者醉而殺之而逃

子我盟諸陳於陳宗失陳逆懼其反為患故盟之初陳豹欲為子我

臣豹亦陳氏族使公孫言已言已介達之已有喪而止既而言之

既終喪也曰有陳豹者長而上僂肩背僂。僂方主反。望視目望陽事君子

必得志得君子意欲為子臣吾憚其為人也恐多詐故緩以告

子我曰何害是其在我也言在我用之而已使為臣他日與

之言政說遂有寵謂之曰我盡逐陳氏而立女若

何對曰我遠於陳氏矣言已疏遠且其違者不過數人違不從也

何盡逐焉遂告陳氏子行曰彼得君弗先必禍子

子行舍於公宮子行逃而隱於陳氏今又隱於公宮夏五月壬申成子兄弟

四乘如公成子之兄弟昭子莊簡子齒宣子夷穆子安廩邱子意茲芒子盈惠子得凡八人二人共一乘子我在

幄幄帳也聽政之處出逆之遂入閉門成子入反閉門不納子我侍人禦之子我侍人

子行殺侍人素在內故得殺之公與婦人飲酒于檀臺成子

遷諸寢徙公使居正寢公執戈將擊之疑其欲作亂大史子餘曰非

不利也將除害也言將為公除害成子出舍于庫以公怒故聞公猶



怒將出曰何所無君子行抽劍曰需事之賊也言需疑則

害事誰非陳宗言陳氏宗族衆多所不殺子者有如陳宗言子若欲出我

必殺子明如陳宗乃止子我歸屬徒攻闈與大門闈宮中小門大

陳宗先祖鬼神也皆不勝乃出陳氏追之失道於彘中適豐

邱彘中狹路豐邱陳氏邑豐邱人執之以告殺諸郭關齊關名成子將

殺大陸子方子方子我臣陳逆請而免之以公命取車於

道子方取道中行人車及彫衆知而東之知其矯命奪車逐使東。彫音而出雍門

齊城門也。雍去聲陳豹與之車弗受曰逆為余請豹與余車

余有私焉○是我有私於陳氏事子我而有私於其讎何以見

魯衛之士傳言陳氏務施東郭賈奔衛賈即子方庚辰陳恒執公于

舒州公曰吾早從鞅之言不及此悔不誅陳氏

○宋桓魋之寵害於公恃寵驕盈公使夫人驟請享馬而

將討之夫人景公母也數請享飲欲因請討之未及魋先謀公請以鞏易薄

邑而請享公焉鞏向魋邑薄公邑欲因易邑為公享宴而作亂公曰不可薄宗邑也宗廟所在乃益鞏七

知之告皇野曰余長魋也少長育之皇野司馬子仲今將禍余請即

救司馬子仲曰有臣不順神之所惡也而况人乎

敢不承命不得左師不可左師向魋兄向巢也請以君命名之

哀公



左師每食擊鐘聞鐘聲公曰夫子將食既食又奏

樂奏公曰可矣以乘車往曰迹人來告主迹禽獸者周禮地官迹人掌邦田之

政鄭云迹之言跡曰逢澤有介麋馬地理志言逢澤在滎陽開封縣東北遠疑非介大也麋

九倫反公曰雖魍未來得左師吾與之田若何皇野稱

君憚告子難以遊戲煩大臣野曰嘗私焉嘗試君欲速故

以乘車逆子與之乘至公告之故拜不能起巢下拜懼不

能起司馬曰君與之言使公與要誓公曰所難子者上有天

下有先君言雖誅魍要不負言使禍難及子對曰魍之不共宋之禍也

敢不唯命是聽司馬請瑞馬瑞符節以發兵以命其徒攻桓

氏桓氏向魍其父兄故臣曰不可司馬故臣與桓魋無怨者其新臣曰從吾

君之命遂攻之子頡騁而告桓司馬子頡植魍弟桓司馬即魍也

馬欲入入攻君子車止之車亦魍弟曰不能事君而又伐國民

不與也祇取死焉向魍遂入于曹以叛哀八年宋滅曹以為邑六

月使左師巢伐之欲質大夫以入焉巢不能克魍恐公怒欲得國內大夫為質

還入國質音致不能亦入于曹取質不能得大夫故入曹劫曹人子弟而質之欲以自固魍曰

不可既不能事君又得罪于民將若之何乃舍之

舍曹子弟民遂叛之向魍奔衛向巢來奔宋公使止之曰

寡人與子有言矣不可以絕向氏之祀辭曰臣之



罪大盡滅桓氏可也。若以先臣之故，而使有後君之惠也。若臣則不可以入矣。司馬牛致其邑與珪

馬而適齊。牛桓魋弟也。珪守邑符信。向魋出於衛地，公文氏攻之。公文氏衛

夫求夏后氏之璜，馬與之他玉而奔齊。陳成子使

為次卿，司馬牛又致其邑馬而適吳。亦不與。同。吳人惡

之而反，趙簡子召之，陳成子亦召之，卒於魯郭門

之外。阮氏葬諸邱輿。阮氏魯人也。泰山南城縣西北有輿城，錄其卒葬所在。魋賢者失所。阮苦庚反，輿城在

今兗州府費縣西

○甲午，齊陳恒弑其君壬于舒州。壬簡公也。孔某三日齊。

而請伐齊。三公曰：魯為齊弱久矣，子之伐之，將若

之何？對曰：陳恒弑其君，民之不與者半，以魯之衆

加齊之半，可克也。公曰：子告季孫，孔子辭。辭不告。退而

告人曰：吾以從大夫之後也，故不敢不言。嘗為大夫而去，故言後。

○初，孟孺子洩將圍馬於成。洩孟懿子之子，孟武伯也。圍，畜養也。成，孟氏邑。成宰

公孫宿不受，曰：孟孫為成之病，不圍馬馬。病謂民貧困。孺

子怒，襲成，從者不得入，乃反。成有司使孺子鞭之

恨志故鞭成，有司之使人。使去聲。秋八月辛丑，孟懿子卒，成人奔喪，弗

內，袒免哭于衢，聽共弗許。請聽命共使。內音納。免音問。共音恭。懼不歸。不敢歸成。



為明年  
成叛傳

經十有五年春王正月成叛○夏五月齊高無平

出奔北燕無傳○鄭伯伐宋無傳○秋八月大雩無傳○

晉趙鞅帥師伐衛無傳○冬晉侯伐鄭無傳○及齊平

魯與齊平○衛公孟彊出奔齊無傳

傳十五年春成叛于齊武伯伐成不克遂城輸以偏成

○夏楚子西子期伐吳及桐汭宣城廣德縣西南有桐水出白石山西北入丹陽湖陳

侯使公孫貞子弔焉弔為楚地及良而卒良吳地將以尸入

聘禮若賓死未將命則既斂於棺造於朝介將命吳子使大宰嚭勞且辭曰以水潦

之不時無乃廩然隕大夫之尸廩然傾動貌以重寡君之

憂寡君敢辭上介芋尹蓋對蓋陳大夫貞子上介曰寡君聞楚

為不道荐伐吳國荐重也滅厥民人寡君使蓋備使弔

君之下吏備猶副也無祿使人逢天之感大命隕隊絕世

于良絕世猶言弃世廢日共積廢行道之日以共具殯斂所積聚之用○共音恭積子賜反一日遷

次一日便遷次不敢留君命今君命逆使人曰無以尸造于門是我

寡君之命委于草莽也且臣聞之曰事死如生禮

也於是乎有朝聘而終以尸將事之禮朝聘而道死則以尸行事○孔

疏以吳人不納故芋尹引禮深以辯之其實貞子當殯于館不得以尸將事也又有朝聘而遭喪之禮



遭所聘之喪若不以尸將命是遭喪而還也無乃不可乎

以禮防民猶或踰之今大夫曰死而弃之是弃禮

也其何以為諸侯主謂主盟也先民有言曰無穢虐士虐士死者

備使奉尸將命苟我寡君之命達于君所雖隕于

深淵則天命也非君與涉人之過也吳人內之傳言芋尹

蓋知禮內音納

○秋齊陳瓘如楚瓘陳恒之兄子玉也過衛仲由見之仲由子路曰天

或者以陳氏為斧斤既斲喪公室而他人有之不

可知也其使終饗之亦不可知也饗受也若善魯以待

時不亦可乎何必惡焉仲由事孔子故為魯言子玉曰然吾受命

矣受命使楚子使告我弟弟成子也冬及齊平子服景伯如齊

子贛為介見公孫成公孫成成宰公孫宿也贛與貢同曰人皆臣人而

有背人之心况齊人雖為子役其有不貳乎言子叛魯齊人

亦將叛子子周公之孫也多饗大利猶思不義利不可得

而喪宗國將焉用之喪宗國謂以邑入齊使魯有危亡之禍成曰善哉吾不

早聞命傳言仲尼之徒皆忠于魯國陳成子館客使景伯子贛就館曰寡君使

恒告曰寡人願事君如事衛君言衛與齊同好而魯未肯景伯揖子

贛而進之對曰寡君之願也昔晉人伐衛在定八年齊為



衛故伐晉冠氏喪車五百在定九年冠氏陽平館陶縣因與衛地自

濟以西襍媚杏以南書社五百二十五家為一社籍書而致之吳人

加敝邑以亂在八年齊因其病取謹與闡亦在八年寡君是以

寒心若得視衛君之事君也則固所願也成子病

之乃歸成病其言也公孫宿以其兵甲入于羸羸齊邑

○衛孔圉取太子蒯聵之姊生悝孔圉孔文子也蒯聵姊孔伯姬悝苦回反

孔氏之豎渾良夫長而美孔文子卒通於內通伯姬

門反長上聲太子在戚孔姬使之焉使良夫詣太子所太子與之言

曰苟使我入獲國服冕乘軒三死無與冕大夫服軒大夫車三死死罪

三○無與音預與之盟為請於伯姬良夫為太子請閏月良夫與太子

入舍於孔氏之外圃圃昏二人蒙衣而乘良夫蒙衣為

婦人服也乘去聲下同寺人羅御如孔氏孔氏之老藥寧問之稱

姻妾以告自稱昏姻家妾遂入適伯姬氏既食孔伯姬杖戈

而先太子與五人介與瑕從之介被甲與瑕豚欲以盟迫孔悝於

廁強盟之孔氏專政故劫孔悝欲令逐輒遂劫以登臺藥寧將飲酒炙

未熟聞亂使告季子季子子路也為孔氏邑宰○炙章夜反下同召獲駕乘車

召獲衛大夫駕乘車言不欲戰行爵食炙奉衛侯輒來奔季子將入遇

子羔將出子羔衛大夫高柴孔子弟子將出奔曰門已閉矣季子曰吾姑



至焉且欲至門子羔曰弗及不踐其難言政不及已可不須踐其難季子曰

食焉不辟其難謂食孔氏祿子羔遂出子路入及門公孫

敢門焉門守曰無入為也言輒已出無為復入季子曰是公孫也

求利焉而逃其難由不然利其祿必救其患有使

者出乃入因門開而入曰犬子焉用孔悝雖殺之必或繼

之言已必繼孔悝為難攻犬子且曰犬子無勇若燔臺半必舍孔叔

犬子聞之懼下石乞孟賈敵子路二子崩贖黨敵當也○賈於滅反以

戈擊之斷纓子路曰君子死冠不免不使冠在地結纓而

死孔子聞衛亂曰柴也其來由也死矣孔悝立莊

公莊公崩贖也莊公害故政欲盡去之故政轉之臣先謂司徒瞞

成曰寡人離病於外久矣子請亦嘗之歸告褚師

比欲與之伐公不果比褚師聲子為明年瞞成奔起○褚中呂反

經十有六年春王正月己卯衛世子蒯瞶自戚入

于衛衛侯輒來奔書此春皆從告○二月衛子還成出奔宋

即瞞成○還音旋○夏四月己丑孔丘卒仲尼既告老去位猶書卒者魯之君臣宗其聖德殊而異之魯

襄二十二年生至今七十三也四月十八日乙丑無己丑己丑五月十二日日月必有誤

傳十六年春瞞成褚師比出奔宋欲伐莊公不果而奔衛侯使

鄆武子告于周武子衛大夫胙也曰蒯瞶得罪於君父君母



逋竄于晉。晉以王室之故，不棄兄弟。寘諸河上。河上，戚也。

天誘其衷，獲嗣守封焉。使下臣盱，敢告執事。王使

單平公對曰：「盱以嘉命來告余一人，往謂叔父。余

嘉乃成世，復爾祿次，敬之哉。」繼父之世還居君之祿次。方天之休。言天方受

爾以弗敬弗休，悔其可追。傳終崩，贖之事。

○夏四月己丑，孔丘卒。公誅之曰：「旻天不弔，不憇

遺一老，俾屏余一人以在位。」仁覆閔下，故稱旻天弔至也。憇，且也。俾，使也。屏，蔽也。憇，魚覲。

反屏必熒熒余在疚。致我熒熒然若在疚病之中。嗚呼哀哉！尼父無自

律。疚，病也。律，法也。言喪尼父無以自為法。子贛曰：「君其不沒於魯乎？夫子之

言曰：「禮失則昏，名失則愆。失志為昏，失所為愆。生

不能用，死而誅之，非禮也。稱一人，非名也。」天子稱一人，非諸侯之名。

君兩失之。

○六月，衛侯飲孔悝酒於平陽。東郡燕縣東北有平陽亭。今直隸大名府滑縣東南有

韋城，韋城南有平陽城，亦曰平陽亭。重酬之。大夫皆有納焉。納財，賄也。醉而送之。夜

半而遣之。夜遣者，慙負孔悝，不欲令人見。載伯姬於平陽而行。載其母，俱去。及

西門，平陽門。使貳車反柝於西圃。使副車還取廟主，西圃，孔氏廟所在，柝藏主石函。子伯

季子初為孔氏臣，新登于公。升為大夫。請追之，遇載柝者，

殺而乘其車。子伯殺載柝者。許公為反柝。孔悝怪載柝者久不來，使公為反逆之。遇之。



曰與不仁人爭明無不勝不仁人謂子伯季子也明無不勝言必勝必使先射射三發皆遠許為許為射之殪傳言子伯不仁所以死也○射音石遠去聲或其車從從公得祏於橐中孔惺出奔宋

○楚太子建之遇讒也自城父奔宋在昭十年又辟華

氏之亂於鄭在昭十年鄭人甚善之又適晉與晉人謀

襲鄭乃求復焉鄭人復之如初晉人使謀於子木

請行而期焉請行襲鄭之期子木即建也子木暴虐於其私邑邑人

訴之鄭人省之得晉謀焉遂殺子木其子曰勝在

吳子西欲召之葉公曰吾聞勝也許而亂無乃害

乎葉公子高沈諸梁也子西曰吾聞勝也信而勇不為不利舍

諸邊竟使衛藩焉使為藩屏之衛葉公曰周仁之謂信也周親也率

義之謂勇率行也吾聞勝也好復言言之所許必欲復行之不顧道理而求

死士殆有私乎私謀復讎復言非信也期死非勇也期必也子

必悔之弗從召之使處吳竟為白公白楚邑也汝陰襄信縣西南有白亭請

伐鄭子西曰楚未節也言楚國新復政令猶未得節制不然吾不忘也

他日又請許之未起師晉人伐鄭楚救之與之盟

勝怒曰鄭人在此讎不遠矣比子西於鄭人勝自厲劔子期

之子平見之曰王孫何自厲也曰勝以直聞不告



女庸為直乎。將以殺爾父。平以告子西。子西曰：勝

如卯。余翼而長之。以鳥為喻。楚國第用士之次第。我死。令尹司馬

非勝而誰。勝聞之曰：令尹之狂也。得死乃非我。言我必殺

之若得自死我乃不復成人。子西不悅。勝謂石乞石乞勝之徒曰：王與二卿

士二卿士子西子期皆五百人當之。則可矣。乞曰：不可得也。

五百人不可得。曰：市南有熊宜僚者。若得之。可以當五百人

矣。乃從白公而見之。與之言說。告之故。辭告欲作亂宜僚辭拒之

承之以劍不動。拔劍指其喉。勝曰：不為利諂。不為威惕。不

洩人言以求媚者。去之。吳人伐慎。白公敗之。汝陰慎縣也。

今江南鳳陽府潁上縣西北有慎城。請以戰備獻。與吳戰之所得鎧杖兵器皆備而獻之。欲因以為亂。許之。遂

作亂。秋七月。殺子西。子期于朝。而劫惠王。子西以

袂掩面而死。慙於葉公。子期曰：昔者吾以力事君。不可以

弗終。扶豫章以殺人而後死。以效其多力。豫章大木。扶烏穴反。石乞曰：

焚庫弒王。不然不濟。白公曰：不可。弒王不祥。焚庫

無聚。將何以守矣。乞曰：有楚國而治其民。以敬事

神。可以得祥。且有聚矣。何患。弗從。葉公在蔡。蔡遷州來。楚并

其地。方城之外。皆曰：可以入矣。子高曰：吾聞之。以險

徼幸者。其求無饜。偏重必離。險猶惡也。所求無饜。則不安。譬如物偏重。則離。敗欲須其斃而討之



聞其殺齊管修也而後入管修楚賢大夫故齊管仲之後聞其殺賢知其可討白公欲

以子閭為王子閭平王子啟五辭王者子閭不可遂劫以兵子閭曰

王孫若安靖楚國匡正王室而後庇焉廣庇覆以及于我啓

之願也敢不聽從若將專利以傾王室不顧楚國

有死不能不能從遂殺之而以王如高府高府楚別府石乞尹

門為門尹圍公陽穴宮負王以如昭夫人之宮公陽楚大夫昭夫人王母

越女葉公亦至及北門或遇之曰君胡不胄國人望

君如望慈父母焉盜賊之矢若傷君是絕民望也

若之何不胄乃胄而進又遇一人曰君胡胄國人

望君如望歲焉歲年穀也日月以幾冀君來幾音冀若見君面是

得艾也艾安也艾音艾民知不死其亦夫有奮心猶將旌

君以徇於國旌表也而又掩面以絕民望不亦甚乎乃

免胄而進言葉公得民心遇箴尹固帥其屬將與白公欲與白公并

子高曰微二子者楚不國矣二子子西子期也相舉之敗二子功多弃德從

賊其可保乎乃從葉公使與國人以攻白公白公

奔山而縊其徒微之微匿也生拘石乞而問白公之死

焉對曰余知其死所而長者使余勿言長者謂白公也曰不

言將烹乞曰此事也克則為卿不克則烹固其所



也何害乃烹石乞王孫燕奔頽黃氏

燕勝弟頽黃吳地燕平聲頽求龜反

頽黃在今江南寧國府境

沈諸梁兼二事

二事令尹司馬

國寧

寧安也乃使寧為令

尹子西之子子國也

使寬為司馬

子期之子

而老於葉

傳終言之

○衛侯占夢嬖人

以能占夢見愛

求酒於大叔僖子

僖子大叔遺

不

得與卜人比而告公曰君有大臣在西南隅弗去

懼害

託占卜夢而言比毗志反

乃逐大叔遺遺奔晉

○衛侯謂渾良夫曰吾繼先君而不得其器若之

何

國之寶器輒皆將去

良夫代執火者而言

將密謀屏左右

曰疾與亡君

皆君之子也召之而擇材焉可也

名輒

若不材器可

得也

輒若不材可廢其身因得其器

豎告太子

太子疾

太子使五人輿殓從

己劫公而強盟之

盟求必立己

且請殺良夫公曰其盟免

三死

盟在十五年

曰請三之後有罪殺之公曰諾哉

傳十七年春衛侯為虎幄於藉圃

於藉田之圃新造幄幕皆以虎獸為飾

成

求令名者而與之始食焉太子請使良夫

以良夫應為令名

良夫乘衷甸兩牡

衷甸一轅卿車。甸時證反。孔疏甸即乘也。四邱為甸出車一乘故以甸為名是古者乘甸

同也兵車一轅而二馬夾之其外更有二驂是為四馬今止乘兩牡而謂之衷乘者衷中也蓋以四馬為上乘兩馬為中乘也

紫衣狐

裘紫衣君服至袒裘不釋劍而食

食而熱故偏袒亦不敬

太子使牽以退

數之以三罪而殺之

三罪紫衣袒裘帶劍



○三月越子伐吳吳子禦之笠澤○今江南蘇州府吳縣西南太湖是也夾

水而陳越子為左右向卒向卒鉤伍相著別為左右屯○向古侯反著直略反使夜或

左或右鼓譟而進吳師分以禦之越子以三軍潛

涉當吳中軍而鼓之吳師大亂遂敗之左右向卒為聲勢以分吳軍而

三軍精卒并力擊其中軍故得勝也

○晉趙鞅使告于衛曰君之在晉也志父為主請

君若犬子來以免志父不然寡君其曰志父之為

也恐晉君謂志父教使不來衛侯辭以難犬子又使極之極訴父欲速得其處○極中角

反○古與詠通夏六月趙鞅圍衛齊國觀陳瓘救衛國觀國書之子○觀去聲

得晉人之致師者子玉使服而見之釋囚服服其本服曰國

子實執齊柄而命瓘曰無辟晉師豈敢廢命欲必敵晉子

又何辱言不須來致師自將往戰簡子曰我卜伐衛未卜與齊戰乃

還畏子玉

○楚白公之亂陳人恃其聚而侵楚聚積聚也楚既寧將

取陳麥楚子問帥於大師子穀與葉公諸梁子穀

曰右領差車與左史老皆相令尹司馬以伐陳其

可使也言此二人皆嘗輔相子西子期伐陳今復可使子高曰率賤民慢之懼不

用命焉右領左史皆楚賤官○率所類反子穀曰觀丁父都俘也武王



以為軍率楚武王。都音若。是以克州蓼。服隨唐。大啓羣蠻。

彭仲爽。申俘也。文王以為令尹。實縣申息。楚文王滅申。息以為縣。

朝陳蔡。封畛於汝。開封畛。至汝水。唯其任也。何賤之有。子

高曰。天命不諂。諂疑也。諂。本又作慚。令尹有憾於陳。十五年。子西伐吳。陳使貞子弔。

吳以此為恨。天若亡之。其必令尹之子是與。君盍舍焉。舍。右舍。

領與左史。臣懼右領與左史有二俘之賤。而無其令德也。

王卜之。武城尹吉。武城尹子西。子公孫朝。使帥師取陳麥。陳人御

之。敗。遂圍陳。秋七月己卯。楚公孫朝帥師滅陳。終鄭。

禪竈言五及。鶉火陳卒亡。王與葉公枚卜子良。以為令尹。枚卜。不斥言所卜。以令龜子良。

惠王弟。沈尹朱曰。吉。過於其志。志望也。葉公曰。王子而相國。

過將何為。過相將為王也。他日改卜子國。而使為令尹。子國。寧也。

○衛侯夢於壯宮。見人登昆吾之觀。衛有觀。在古昆吾之虛。今濮陽城中。濮

州西南有濮陽縣城。陽今直隸大名府開州。被髮北面而譟曰。登此昆吾之虛。

縣縣生之瓜。縣縣瓜初生也。良夫言已有以小成大之功。若瓜之初生。謂使衛侯得國。余為渾良夫。

叫天無辜。本盟當免三死。而并數一時之事。為三罪殺之。故自謂無辜。公親筮之。胥彌赦

占之。赦衛筮史。曰。不害。與之邑。寘之。而逃奔宋。言衛侯無道。下人不敢以實對。

懼難而逃也。衛侯貞卜。正卜。夢之吉凶。其繇曰。如魚窺尾。窺。赤也。魚勞則尾赤。繇直又

反窺。勅呈反。衡流而方羊裔焉。橫流。方羊。不能自安。裔。水邊。言衛侯將若此。魚。衡華。盲反。方。蒲郎反。裔。以制反。



大國滅之將亡闔門塞竇乃自後踰此皆冬十月晉

復伐衛春伐未得志故入其郛將入城簡子曰止叔向有言

曰怙亂滅國者無後不欲乘人之衰衛人出莊公而與晉平

晉立襄公之孫般師而還十一月衛侯自鄆入般

師出辟蒯賸也○般音班鄆音絹初公登城以望見戎州戎州戎邑○今山東兗州府曹

縣有楚邱故城漢置己氏縣以戎州己氏而名也問之以告公曰我姬姓也何戎之

有焉言姬姓國尚故有戎邑翦之翦壞其邑聚公使匠久久不休息公欲逐石圃

石圃衛卿石惡從子未及而難作辛巳石圃因匠氏攻公公閉

門而請弗許踰于北方而隊折股終如卜言乃自後踰戎州人

攻之犬子疾公子青踰從公青疾弟戎州人殺之公入

于戎州己氏己氏戎人姓○己音紀初公自城上見己氏之妻髮

美使髡之以為呂姜鬢呂姜莊公夫人鬢髮也○鬢大計反髮皮義反既入焉而

示之璧曰活我吾與女璧己氏曰殺女璧其焉往

遂殺之而取其璧衛人復公孫般師而立之十二

月齊人伐衛衛人請平立公子起起靈公子執般師以歸

舍諸潞潞齊邑

○公會齊侯盟于蒙齊侯簡公弟平公敖也蒙在東莞蒙陰縣西故蒙陰城也○今屬山東青州府孟

武伯相齊侯稽首公拜齊人怒武伯曰非天子寡



君無所稽首武伯問於高柴曰諸侯盟誰執牛耳

執牛耳尸盟者季羔曰鄆衍之役吳公子姑曹季羔高柴也鄆衍在七年發陽

之役衛石黹發陽鄆也在十二年石黹石曼姑之子武伯曰然則彘也彘武伯名也鄆

衍則大國執發陽則小國執據時執者無常故武伯自以為可執

○宋皇瑗之子麋瑗宋右師瑗音院有友曰田丙而奪其兄

鄭般邑以與之鄭般愠而行告桓司馬之臣子儀

克克在下邑不與黹亂故在○鄭仕咸反子儀克適宋告夫人曰麋將納桓

氏公問諸子仲子仲皇野初子仲將以杞姒之子非我為

子為適子杞姒子仲妻麋曰必立伯也伯非我兄是良材子仲怒弗從

故對曰右師則老矣不識麋也言右師老不能為亂麋則不可知公執

之執麋皇瑗奔晉名之名令還

傳十八年春宋殺皇瑗公聞其情復皇氏之族使

皇緩為右師言宋景公無常也緩瑗從子

○巴人伐楚圍鄆鄆楚邑○今湖廣襄陽府襄陽縣東北有鄆城古鄆子國後屬楚初右司

馬子國之卜也觀瞻曰如志子國未為令尹時卜為右司馬得吉兆如其志觀瞻楚開卜大

夫觀從之後故命之命以為右司馬及巴師至將卜帥王曰寧如志

何卜焉寧子國也使帥師而行請承承王曰寢尹工尹勤

先君者也柏舉之役寢尹吳由于以背受戈工尹固執燧象奔吳師皆為先君勤勞三月楚公孫寧



吳由于遠固敗巴師于鄆故封子國於析君子曰

惠王知志知用其意夏書曰官占唯能蔽志昆命于元龜

逸書也官占卜筮之官蔽斷也昆後也言當先斷意後用龜也○今大禹謨其是之謂乎志曰聖人

不煩卜筮惠王其有焉不疑故不卜也

○夏衛石圃逐其君起起奔齊齊所立故衛侯輒自齊復

歸逐石圃而復石黓與大叔遺皆崩贖所逐

傳十九年春越人侵楚以誤吳也誤吳使不為備夏楚公子

慶公孫寬追越師至冥不及乃還冥越地秋楚沈諸梁

伐東夷越報三夷男女及楚師盟于敖從越之夷三種敖東夷地

○冬叔青如京師敬王崩故也言敬王能終其世終甚弘言東王必大克叔青叔還子

傳二十年春齊人來徵會夏會于廩邱為鄭故謀

伐晉十五年晉伐鄭鄭人辭諸侯秋師還終叔向言晉公室卑○是年晉定公卒子出公鑿立

○吳公子慶忌驟諫吳子曰不改必亡弗聽吳子弗聽出

居于艾艾吳邑豫章有艾縣○今艾城在江西南昌府寧州西遂適楚聞越將伐吳冬

請歸平越遂歸欲除不忠者以說于越吳人殺之

言其不量力

○十一月越圍吳趙孟降於喪食趙孟襄子無恤時有父簡子之喪○比居喪飲

食又降殺也楚隆曰三年之喪親暱之極也主又降之無



乃有故乎楚隆襄子家臣趙孟曰黃池之役先主與吳王有

質黃池在十三年先主簡子質盟信也○質如字曰好惡同之今越圍吳嗣子不

廢舊業而敵之嗣子襄子自謂欲敵越救吳非晉之所能及也○吳晉相距甚

遠非力之所能及吾是以為降楚隆曰若使吳王知之若何

趙孟曰可乎隆曰請嘗之也嘗試也乃往先造于越軍曰

吳犯閒上國多矣聞君親討焉諸夏之人莫不欣

喜唯恐君志之不從請入視之許之告于吳王曰

寡君之老無恤使陪臣隆敢展謝其不共展陳也○閒去聲

黃池之役君之先臣志父得承齊盟曰好惡同之

今君在難無恤不敢憚勞非晉國之所能及也使

陪臣敢展布之王拜稽首曰寡人不佞不能事越

以為大夫憂拜命之辱與之一簞珠簞小筥使問趙孟

問遺也曰句踐將生憂寡人寡人死之不得矣王曰溺

人必笑吾將有問也以自喻所問不急猶溺人不知所為而反笑史黯何以得

為君子晉史黯云不及四十年吳當亡吳王感問此也對曰黯也進不見惡時行則行退

無謗言時止則止王曰宜哉

傳二十一年夏五月越人始來越既勝吳欲霸中國始遣使適魯

○秋八月公及齊侯邾子盟于顧齊人責稽首責責責責責責責責責責責



齊侯為公稽首不見答顧齊地○今山東東昌府范縣東南五十里有顧城

因歌之曰魯人之臯數年不覺使我高蹈臯緩也高蹈猶遠行也言魯人臯緩數年不知答齊稽首故使我高蹈來為此會唯其

儒書以為二國憂二國齊邾也言魯據周禮不肯答稽首令齊邾遠至是行也公先至

於陽穀先期至也齊閭邱息曰君辱舉玉趾以在寡君之

軍息閭邱明之後羣臣將傳遽以告寡君比其復也君無乃

勤○傳中戀反比必利反為僕人之未次次舍也請除館於舟道舟道齊地

曰敢勤僕人不敢勤齊僕為魯除館

傳二十二年夏四月邾隱公自齊奔越曰吳為無

道執父立子越人歸之太子革奔越邾隱公八年為吳所囚十年奔齊

○冬十一月丁卯越滅吳請使吳王居甬東甬東越地會稽

句章縣東海中洲也○句章今浙江寧波府慈谿鎮海二縣地海中洲即舟山今之定海縣也縣東三十里有翁山一名翁洲即春秋之甬東辭

曰孤老矣焉能事君乃縊越人以歸以其尸歸終史墨子胥之言也

傳二十三年春宋景曹卒景曹宋元公夫人小邾女季桓子外祖母○宋景公之母姓曹氏也

季康子使冉有弔且送葬曰敝邑有社稷之事使

肥與有職競焉肥康子名競遽也是以不得助執紼使求從

與人求冉有名與眾也曰以肥之得備彌甥也彌遠也康子父之舅氏故稱彌甥有

不腆先人之產馬使求薦諸夫人之宰薦進也其可以

稱旌繁乎稱舉也繁馬飾繁纓也終樂祁之言政在季氏○繁步干反○傅氏遜曰稱副也旌旄繁纓皆國君之服謙言可以稱此否



○夏六月晉荀瑶伐齊荀瑶荀躒之孫知伯襄子高無平帥師御之

知伯視齊師馬駭遂驅之曰齊人知余旗其謂余

畏而反也及壘而還將戰長武子請卜武子晉大夫知伯

曰君告于天子而卜之以守龜於宗祧吉矣吾又

何卜焉且齊人取我英邱君命瑶非敢耀武也治

英邱也治齊取英邱以辭伐罪足矣何必卜壬辰戰于犁

邱犁邱隰也○今山東濟南府臨邑縣有犁邱亭齊師敗績知伯親禽顏庚顏庚齊大夫顏

○秋八月叔青如越始使越也越諸鞅來聘報叔

青也

傳二十四年夏四月晉侯將伐齊使來乞師曰昔

臧文仲以楚師伐齊取穀在僖二十六年宣叔以晉師伐齊

取汶陽在僖二年寡君欲徼福於周公願乞靈於臧氏以臧氏世

進勝齊故欲乞其威靈臧石帥師會之取廩邱石臧賓如之子軍吏令繕將

今又勝都取廩邱天奉多矣又焉能進是嚮言也嚮過也

役將班矣言晉之役已將班還晉師乃還果如餽臧石

牛生曰大史謝之晉大夫曰以寡君之在行在軍牢禮不度

快反謂過謬不信之言



不如禮度敢展謝之終臧氏有後於魯

○邾子又無道越人執之以歸終子贛之言而立公子何

何亦無道何犬子革弟

○公子荆之母嬖荆哀公庶子將以為夫人使宗人釁夏

獻其禮宗人禮官也對曰無之公怒曰女為宗司立夫人

國之大禮也何故無之對曰周公及武公娶於薛

武公教也孝惠娶於商孝公稱惠公弗皇商宋也自桓以下娶於齊桓公始娶文姜此

禮也則有若以妾為夫人則固無其禮也公卒立

之而以荆為犬子國人始惡之惡公

○閏月公如越得犬子適郢適郢越王犬子得相親說也將妻公而

多與之地公孫有山使告于季孫季孫懼使因犬

宰嚭而納賂焉乃止嚭故吳臣也季孫恐公因越討已故懼

傳二十五年夏五月庚辰衛侯出奔宋衛侯輒也衛侯為

靈臺于藉圃與諸大夫飲酒焉褚師聲子韞而登

席古者見君解韞公怒辭曰臣有疾異於人足有創疾若見之

君將般之般嘔吐也般許角反是以不敢不敢解韞公愈怒大夫辭之

不可共辭謝公公不可解褚師出公戟其手抵徒手屈肘如戟形曰必斷

而足聞之褚師與司寇亥乘曰今日幸而後亡恐死以得



亡為幸公之入也奪南氏邑南氏子南之子公孫彌牟而奪司寇亥政公

使侍人納公文懿子之車于池懿子公文要公有怨使人投其車于池水中初

衛人翦夏丁氏在十一年以其帑賜彭封彌子彭封彌子彌子瑕彌

子飲公酒納夏戊之女嬖以為夫人其弟期大叔

疾之從孫甥也期夏戊之子姊妹之孫為從孫甥與孫同列從去聲少畜於公以為

司徒夫人寵衰期得罪公使三匠久公使優狡盟

拳彌優狡排優也拳彌衛大夫使排優盟之欲恥辱也而甚近信之故褚師比讎登公

孫彌牟喪邑者公文要失車者司寇亥奪政者司徒期因三匠與

拳彌以作亂皆執利兵無者執斤斤二匠所執使拳彌入

于公宮信近之故得入而自天子疾之宮譟以攻公疾崩贖大子也時已死

鄆子士請禦之鄆子士衛大夫彌援其手曰子則勇矣將

若君何言不可救不見先君乎君何所不逞欲先君崩贖也亂

不速奔故為戎州所殺欲令早去且君嘗在外矣豈必不反當今不可

眾怒難犯休而易閒也乃出閒去聲將適蒲蒲近晉邑今直隸大名府長

垣縣故蒲城是彌曰晉無信不可將適鄆鄆齊晉界上邑彌詐不知謀故公信之彌曰

齊晉爭我不可將適泠泠近魯邑泠力丁反彌曰魯不足與請

適城鉏城鉏近宋邑今大名府滑縣東有鉏城水經注云濮陽西南有鉏邱城是也以鉤越越有君

宋南近越乃適城鉏彌曰衛盜不可知也請速自我



始乃載寶以歸欺衛君言君以寶自隨將致衛盜請公為支離

之卒支離陳名因祝史揮以侵衛揮衛祝史衛人病之懿子知之

知揮為內間見子之子之公孫彌牟文子也請逐揮文子曰無罪懿子曰

彼好專利而妄妄不法夫見君之入也將先道焉若見君有入勢

必道助之若逐之必出於南門而適君所雖知其為君間不審察私共評之夫

越新得諸侯將必請師焉揮在朝使吏遣諸其室

難面逐之先逐其家揮出信弗內再宿為信內音納五日乃館諸外里外里

公所遂有寵使如越請師請師伐衛求入

○六月公至自越前年行今還季康子孟武伯逆於五梧

魯南鄙也郭重僕為公僕見二子曰惡言多矣君請盡之二子不臣之言

甚多欲使公盡極以觀之公宴於五梧武伯為祝祝上壽酒惡郭重曰何肥

也些毀其貌季孫曰請飲彘也飲罰之以魯國之密邇仇讎臣

是以不獲從君克免於大行又謂重也肥言重隨君遠行劬勞不宜

稱肥公曰是食言多矣能無肥乎以激三桓之數食言飲酒不樂

公與大夫始有惡為二十七年公孫邾起

傳二十六年夏五月叔孫舒帥師會越臯如后庸

宋樂茂納衛侯舒武叔之子文子也臯如后庸越大夫樂茂宋司城子潞衛侯輒也○茂扶廢反文子

欲納之懿子曰君復而虐少待之必毒於民復恨也乃



睦於子矣民睦師侵外州大獲越納輒出禦之大敗衛師

掘褚師定子之墓焚之于平莊之上定子褚師比之父也平莊陵名也文

子使王孫齊私於臯如齊衛大夫王孫賈之子昭子也曰子將大滅衛

乎抑納君而已乎臯如曰寡君之命無他納衛君

而已文子致衆而問焉曰君以蠻夷伐國國幾亡

矣請納之衆曰勿納曰彌牟亡而有益請自北門

出欲以觀衆心衆曰勿出重賂越人申開守陴而納公申重

也開重門而嚴設守備公不敢入師還立悼公悼公蒯賁弟公子黜也黜

起庶反南氏相之以城鉏與越人公曰期則為此司徒令

苟有怨於夫人者報之夫人期姊也怒期而不得加戮故勅宮女令苦困期姊司徒期

聘於越為悼公聘公攻而奪之幣期告王越王王命取之期

以衆取之公怒殺期之甥之為大子者忿期而及其姊為夫人者遂復

及夫人之子遂卒于越終言之也終效夷言死于夷

○宋景公無子取公孫周之子得與啟畜諸公宮

周元公孫子高也得昭公也啓得弟畜養也未有立焉於是皇緩為右師皇非

我為大司馬皇懷為司徒皇懷非我從昆弟靈不緩為左師

不緩子靈圍龜之後樂茂為司城茂樂溷之子樂朱鉏為大司寇朱鉏樂

六卿三族降聽政三族皇靈樂也降和同也因大尹以達大尹近官有寵者六卿因之以



自通達於君

大尹常不告。而以其欲稱君命以令不告君也國人

惡之。司城欲去大尹。左師曰：縱之，使盈其罪盈滿也。重

而無基，能無敝乎？言勢重而無德以為基必敗也。冬十月，公游于空澤。

空澤，宋邑。在今河南歸德府虞城縣東南。辛巳，卒于連中。連中，館名。大尹與空澤之士

千甲甲士千人奉公自空桐入，如沃宮。奉公尸也。梁國虞縣東南有地名空桐沃宮。宋都內

宮名。今虞城縣空桐澤有空桐亭。使召六子曰：聞下有師，君請六子畫

策。六子至，以甲劫之，曰：君有疾病，請二三子盟，乃

盟于少寢之庭，曰：無為公室不利。大尹立啟，奉喪

殯于大宮三日，而後國人知之。司城茂使宣言于

國曰：大尹惑蠱其君，而專其利，今君無疾而死，死

又匿之，是無他矣。大尹之罪也。言大尹所弑得夢啓，杜首

而寢於盧門之外。盧門，宋東門北首，死象在門外，失國也。首去聲。已為烏而集於

其上。味加於南門，尾加於桐門，曰：余夢美，必立桐門北門

我，復盟之乎？使祝為載書。六子在唐孟，必立名地將盟之。

祝襄以載書告皇，非我襄祝名皇非我，因子潞，門尹

得樂。左師謀曰：民與我逐之乎？皆歸授甲，使徇于

國曰：大尹惑蠱其君，以陵虐公室，與我者，救君者

哀公



也。衆曰：與之。大尹徇曰：戴氏皇氏將不利公室。戴氏

即樂氏與我者無憂不富。衆曰：無別。惡其號令與君無別戴氏皇氏

欲伐公。公謂啟樂得曰：不可。彼以陵公有罪。我伐公則

甚焉。使國人施于大尹。施罪於大尹大尹奉啓以奔楚。乃

立得。司城為上卿。盟曰：三族共政，無相害也。

○衛出公自城鉏，使以弓問子贛，且曰：吾其入乎？

子贛稽首受弓，對曰：臣不識也。私於使者曰：昔成

公孫於陳。僖二十八年，衛成公奔楚，遂適陳。孫音遜。甯武子孫莊子為宛濮

之盟，而君入。盟在僖二十八年。宛於阮反。獻公孫於齊。在襄十四年。子鮮子

展為夷儀之盟，而君入。在襄二十六年。今君再在孫矣。謂十五年孫魯

今又孫宋內不聞獻之親，外不聞成之卿，則賜不識所由

入也。詩曰：無競惟人，四方其順之。詩周頌言無強惟得人也若得其

人，四方以為主。為主，主四方而國於何有？

傳二十七年春，越子使后庸來聘，且言邾田。封于

駘上。欲使魯還邾田，封竟至駘上。駘，他來反。二月，盟于平陽。西平陽，今屬山東兗州府鄒縣。三

子皆從。季康子、叔孫文子、孟武伯皆從，后庸盟。康子病之。恥從蠻夷盟言及子贛。思子贛

曰：若在此，吾不及此夫。不及與越盟武伯曰：然，何不名？曰：

固將名之。文子曰：他日請念。言季孫不能用子贛，臨難而思之。



○夏四月己亥季康子卒公弔焉降禮禮不備也言公之多妄

○晉荀瑶帥師伐鄭次于桐邱鄭駟弘請救于齊弘駟

齊師將與陳成子屬孤子三日朝屬會死事者之子使朝三日以禮之

燭屬音設乘車兩馬繫五邑焉乘車兩馬大夫服又加之五邑○乘去聲名顏涿聚

之子晉曰隰之役而父死焉隰役在二十三年以國之多難

未女恤也今君命女以是邑也服車而朝母廢前

勞乃救鄭及留舒違穀七里穀人不知言其整也留舒齊地違去也

及濮雨不涉濮水在陳留酸棗縣傍河東北經濟陰至高平入濟子思

曰大國在敝邑之宇下是以告急今師不行恐無

及也子思國參成子衣製杖戈製雨衣也衣去聲立於阪上馬不出

者助之鞭之知伯聞之乃還畏其得衆心阪音反曰我卜伐鄭

不卜敵齊使謂成子曰大夫陳子陳之自出陳之

不祀鄭之罪也十七年楚獨滅陳非鄭之罪蓋知伯誣陳子故陳子怒謂其多陵人故寡君使

瑤察陳衷焉衷善也○謂晉君使已察陳之善以討鄭罪謂大夫其恤陳乎若

利本之顛瑤何有焉言陳滅於已無傷成子怒曰多陵人者

皆不在知伯其能久乎中行文子告成子文子荀寅此時奔在齊

曰有自晉師告寅者將為輕車千乘以厭齊師之

門則可盡也成子曰寡君命恒曰無及寡○無陵侮寡少而橫及之



也無畏衆雖過千乘敢辟之乎將以子之命告寡

君成子疑其有為晉之心也○輕去聲厭於甲反文子曰吾乃今知所以亡自恨已無知

君子之謀也始衷終皆舉之而後入焉謀一事則當慮此三變然後入

而行之所謂君子三思今我三不知而入之不亦難乎悔其言不可復

○公患三桓之侈也欲以諸侯去之欲求諸侯師以逐三桓三桓

亦患公之妄也故君臣多間間隙也公游于陵阪遇孟

武伯於孟氏之衢曰請有問於子余及死乎問已可得

死對曰臣無由知之三問卒辭不對公欲以越伐

魯而去三桓秋八月甲戌公如公孫有陘氏有陘氏即有山

氏因孫于邾乃遂如越國人施公孫有山氏以公從其家出

故也終子贛之言君不沒於魯

○悼之四年晉荀瑶帥師圍鄭悼公哀公之子寧也哀公出孫魯人立悼公未

至鄭駟弘曰知伯復而好勝早下之則可行也行去也

乃先保南里以待之保守也南里在城外知伯入南里門于桔

秩之門鄭人俘鄫魁壘鄫魁壘晉士○桔戶結反秩大結反鄫戶圭反賂之以知

政欲使反為鄭閉其口而死將門攻鄭知伯謂趙孟入之對

曰主在此主謂知伯也言主在此何不自入知伯曰惡而無勇何以為

子惡貌醜也簡子廢嫡子伯魯而立襄子故知伯言其醜且無勇何故立以為子對曰以能忍恥庶無



害趙宗乎。知伯不悛。趙襄子由是甚知伯。甚毒也。其甚其冀反。遂喪之。知伯貪而悞。故韓魏反而喪之。史記晉懿公之四年魯悼公之

十四年。知伯帥韓魏圍趙襄子於晉陽。韓魏反與趙氏謀殺知伯於晉陽之下。在春秋後二十七年。

春秋左傳杜注卷第三十

乾隆丙寅夏五月吳郡小

鬱林陸氏雕版王日燠錄





